



Lukavac:08.02.2023.godine

SLUŽBENI GLASNIK GRADA LUKAVAC

S A D R Ž A J 3/23

AKTI GRADSKOG VIJEĆA

1. Odluka o raspisivanju i utvrđivanju teksta Javnog oglasa za izbor i imenovanje člana Nadzornog odbora JP "Rad" d.o.o. Lukavac
2. Odluka o utvrđivanju prijedloga kandidata za privremeno imenovanje člana Nadzornog odbora JP "Rad" d.o.o. Lukavac
3. Odluka o uslovima prodaje poslovne prostorije i građevinskog zemljišta u suposjedu i suvlasništvu Grada Lukavac, označeni kao k.č.br. 2290/3 i 2290/4, obje k.o. Lukavac
4. Rješenje o utvrđivanju javnog interesa broj:01-27-4585/22 od 06.02.2023.godine
5. Rješenje o imenovanju Komisije za izbor člana Nadzornog odbora JP "Rad" d.o.o. Lukavac
6. Rješenje o razrješenju i imenovanju člana Komisije za stambeno-komunalne poslove, poslove mjesnih zajednica i zaštitu okoliša
7. Godišnji program razvoja sporta i raspodjele sredstava u oblasti sporta za 2023.godinu

AKTI GRADONAČELNIKA

1. Odluka o organizovanju Gorske službe spašavanja na području Grada Lukavac



Broj: 01-02-5753/22
Lukavac, 06.02.2023godine

Na osnovu člana 8. Zakona o ministarskim, vladinim i drugim imenovanjima („Službene novine Federacije Bosne i Hercegovine“, broj 12/03, 34/03 i 65/13), člana 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine TK“, broj: 11/19), člana 3. Odluke o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04 i 9/17), člana 7. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni glasnik grada Lukavac“, broj: 1/22) i člana 32. Statuta općine Lukavac („Službeni glasnik općine Lukavac“ broj: 5/08 i 1/14), Gradsko vijeće Lukavac na 11.redovnoj sjednici održanoj dana 31.01. i nastavku 02.02.2023.godine donijelo je

O D L U K U
o raspisivanju i utvrđivanju teksta Javnog oglasa
za izbor i imenovanje člana Nadzornog odbora JP „RAD“ doo Lukavac

Član 1.

Raspisuje se javni oglas za izbor i imenovanje jednog člana Nadzornog odbora JP „RAD“ doo Lukavac na period do isteka mandata aktuelnom Nadzornom odboru JP „RAD“ doo Lukavac.

Član 2.

Utvrđuje se tekst Javnog oglasa, a koji je sačinjen u skladu sa Zakonom o ministarskim, vladinim i drugim imenovanjima („Službene novine Federacije Bosne i Hercegovine“, broj 12/03, 34/03 i 65/13) i Odlukom o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04 i 9/17).

Tekst Javnog oglasa za izbor i imenovanje nadzornog odbora JP „RAD“ doo Lukavac je sastavni dio Odluke i isti se neće objavljivati u „Službenom glasniku grada Lukavac“.

Član 3.

Javni oglas, iz prethodnog člana ove Odluke, raspisat će se u „Službenim novinama Federacije Bosne i Hercegovine“ i u jednom dnevnom listu veće tiraže, s ciljem dostupnosti javnog oglasa najširoj javnosti.

Član 4.

Postupak po javnom oglasu iz člana 1. ove Odluke, provest će Komisija za izbor, koju će na prijedlog Gradonačelnika imenovati Gradsko vijeće.

Član 5.

Odluka stupa na snagu danom objavljivanja u „Službenom glasniku grada Lukavac“.

PREDSJEDAVAJUĆI
OPĆINSKOG VIJEĆA

Suad Salibašić, dipl.ecc.s.r.

DOSTAVITI

1. Služba za komunalne i inspeksijske poslove
2. Službeni glasnik Grada Lukavac
3. Evidencija
4. Arhiva



Broj: 01-02-5751/22
Lukavac, 06.02.2023.godine

Na osnovu člana 7. Statutarne Odluke o organizaciji Grada Lukavca u skladu sa Zakonom o Gradu Lukavac ("Službeni glasnik grada Lukavca", broj: 1/22), člana 32. Statuta općine Lukavac ("Službeni glasnik općine Lukavac" broj: 5/08 i 1/14) i člana 7. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Službene novine Tuzlanskog kantona", broj 11/19), Gradsko vijeće Lukavac na 11.redovnoj sjednici održanoj dana 31.01. i nastavku 02.02.2023.godine donijelo je

ODLUKU
o utvrđivanju prijedloga kandidata za privremeno imenovanje
člana Nadzornog odbora JP „RAD“ d.o.o. Lukavac

Član 1.

Ovom Odlukom Gradsko vijeće Lukavac utvrđuje prijedlog kandidata za privremeno imenovanje člana Nadzornog odbora JP „RAD“ d.o.o. Lukavac, kako slijedi:

1. Hodžić Jasmin

Član 2.

U skladu s ovom Odlukom Skupština JP „RAD“ d.o.o. Lukavac će donijeti Odluku o privremenom imenovanju člana Nadzornog odbora.

Član 3.

Privremeni član Nadzornog odbora, iz člana 1. ove Odluke, imenuje se do okončanja postupka kojim će se izvršiti konačno imenovanje člana Nadzornog odbora JP „RAD“ d.o.o. Lukavac na način i u postupku propisanom Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 12/03, 34/03 i 65/13), a najduže tri mjeseca od stupanja na snagu Odluke Skupštine JP „RAD“ d.o.o. Lukavac iz prethodnog člana.

Član 4.

Odluka stupa na snagu danom objavljivanja u „Službenom glasniku grada Lukavac“.

PREDSJEDAVAJUĆI
GRADSKOG VIJEĆA

Salibašić Suad, dipl.ecc.s.r.



Broj:01-27-4236/22
Lukavac,06.02.2023.godine

Na osnovu člana 22., a u vezi sa članom 91. Zakona o stvarnim pravima Federacije Bosne i Hercegovine ("Službene novine FBiH", broj: 66/13 i 100/13) i članom 200. Zakona o upravnom postupku („Službene novine FBiH”, broj: 2/98 i 48/99) i člana 32. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac”, broj: 1/22), Gradsko vijeće na 11. redovnoj sjednici održanoj dana 31.01. i nastavku 02.02.2023.godine donijelo je

O D L U K U

o uslovima prodaje poslovne prostorije i građevinskog zemljišta u suposjedu i suvlasništvu Grada Lukavac, označeni kao k.č.br. 2290/3 i 2290/4 obje k.o. Lukavac

Član 1.

Ovom Odlukom se definišu uslovi i način prodaje poslovne prostorije i građevinskog zemljišta u suposjedu i suvlasništvu Grada Lukavac, označenog po novom i starom premjeru kao k.č.br. 2290/3 zvana „Zgrada" Upravna zgrada u površini od 26 m² i k.č.br. 2290/4 zvana „Zgrada" u površini od 30 m², upisane u pl.br. 3768 k.o. Lukavac i zk.ul.br. 2814 k.o. Lukavac, u suposjedu i suvlasništvu „Bosna Nilles" d.o.o. Lukavac i Općine Lukavac sa dijelom od po vz.

Član 2.

Ponuda za prodaju poslovne prostorije i građevinskog zemljišta iz člana 1. ove Odluke, učiniti će se u pisanoj formi suposjedniku i suvlasniku predmetnih nekretnina „Bosna Nilles" d.o.o. Lukavac.

Član 3.

Prodajna cijena suposjeda i suvlasništva poslovne prostorije i građevinskog zemljišta iz člana 1. ove Odluke iznosi 27.326,35 KM i utvrđena je na osnovu procjene stalnog sudskog vještaka građevinske struke Pištoljević Jakuba iz Lukavca od 15.12.2022. godine.

Član 4.

Ukoliko suposjednik i suvlasnik predmetnih nekretnina „Bosna Nilles" d.o.o. Lukavac, prihvati ponudu sa prodajnom cijenom navedenom u članu 3. ove Odluke, istu će u pisanoj formi dostaviti ponuđaču Gradu Lukavac

Član 5.

Ukoliko suposjednik i suvlasnik predmetnih nekretnina „Bosna Nilles" d.o.o. Lukavac, ne prihvati ponudu sa prodajnom cijenom navedenom u članu 3. ove Odluke, o tome će u pisanoj formi obavijestiti ponuđaču Grada Lukavac, nakon čega će se pristupiti donošenju Odluke o raspisivanju Javnog konkursa za prodaju predmetnih nekretnina putem javnog nadmetanja-licitacije.

Član 6.

Odluka stupa na snagu danom objave u „Službenom glasniku Grada Lukavac".

PREDSJEDAVALA
GRADSKOG VIJEĆA

Suad Salibašić, dipl.ecc.s.r.



Broj: 01-27-4585/22
Lukavac, 06.02.2023. godine,

Na osnovu člana 14. stav 4. Zakona eksproprijaciji ("Službene novine FBiH", broj: 70/07, 36/10, 25/12, 8/15 i 34/16), a u vezi sa članom 200. Zakona o upravnom postupku („Službene novine FBiH“, broj: 2/98 i 48/99) i člana 32. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), Gradsko vijeće na 11. redovnoj sjednici održanoj dana 31.01. i nastavku 02.02.2023.godine donijelo je

R J E Š E N J E

I. Utvrđuje se da je od Javnog interesa izgradnja elektroenergetskog objekta Transformatorska stanica KSF6 10(20)/0,4 kV „Filter Stanica“ sa priključnim srednjenaponskim kablom 10(20) kV na lokaciji Modrac, Grad Lukavac, i da se u tu svrhu može pristupiti potpunoj i nepotpunoj eksproprijaciji sticanjem prava vlasništva i zasnivanjem prava služnosti na dijelu nekretnine označene i to:

dio k.č.br. **37/1** zvana „Filter Stanica“ po kulturi Poslovna zgrada u privredi u površini od 1.654 m² i zemljište uz privrednu zgradu, u površine od 12.897 m², upisana u pl.br. 174 k.o. Bokavići, u posjedu **Kokso hemijskog kombinata d.d.Lukavac u stečaju sa dijelom 1/1** (po novom premjeru), a što po starom premjeru odgovara nekretninama označenim kao k.č.br. **90/2** zvana „Ada“ Pašnjak u površini od 3330 m², upisana u zk.ul. br. 1857 k.o. Bokavići, u suvlasništvu Čosić (Hasan) Ibrahim sa dijelom od 1/2, Čosić (Osman) Haso sa dijelom od 1/4 i Čajić(Huso) Mehmed sa dijelom od 1/4 i k.č.br. **90/3** zvana „Filter Stanica“ po kulturi neplodno u površini od 11. 221 m² upisane u zk.ul.br 1451 k.o. Bokavići, u vlasništvu Global Ispat Kokso Industrija d.o.o Lukavac sa dijelom 1/1

II. Određuje se da je JP „Elektroprivreda BiH“ d.d. Sarajevo, Podružnica „Elektrodistribucija“ Tuzla, korisnik eksproprijacije.

III. Nadležni organ uprave nakon utvrđivanja Javnog interesa može provesti postupak potpune i nepotpune eksproprijacije na dijelu nekretnine navedene u tački I. ovog rješenja.

Obrazloženje

Službi za urbanizaciju, imovinske i geodetske poslove Grada Lukavac, obratila se JP „Elektroprivreda BiH“ d.d. Sarajevo, Podružnica „Elektrodistribucija“ Tuzla sa zahtjevom za donošenjem Odluke o utvrđivanju Općeg interesa broj: 03-72-3-24436-1/2022 od 02.12.2022. godine, u svrhu izgradnje elektroenergetskog objekta Transformatorska stanica KSF6 10(20)/0,4 kV „Filter Stanica“ sa priključnim srednjenaponskim kablom 10(20) kV na lokaciji Modrac, Grad Lukavac, na dijelu nekretnine opisane u tački I. dispozitiva ovog rješenja.

Uz zahtjev za utvrđivanje javnog interesa dostavljen je Elaborat potpune i nepotpune eksproprijacije za potrebe izgradnje elektroenergetskog objekta Transformatorska stanica KSF6 10(20)/0,4 kV „Filter Stanica“ sa priključnim srednjenaponskim kablom 10(20) kV na lokaciji Modrac, od Decembra 2022. godine, urađen od strane JP „Elektroprivreda BiH“ d.d. Sarajevo, Podružnica „Elektrodistribucija“ Tuzla, sa slijedećom dokumentacijom:

- Situacija lokacije Transformatorska stranica KSF6 10(20)/0,4 kV „Filter Stanica“ sa priključnim 10(20) kV kablom na lokaciji Modrac;
- Identifikacija parcela;

- Fotokopija pravosnažnog rješenja o urbanističkoj saglasnosti broj: 09-19-722/22 od 23.06.2022. godine, izdata od strane Službe za urbanizaciju, imovinske i geodetske poslove Grada Lukavac;
- Fotokopija Mišljenja-Ocjene preduvjeta za odobravanje promjene u prostoru broj: 09-19-722/22 od 23.06.2022. godine, izdato od strane Službe za urbanizaciju, imovinske i geodetske poslove Grada Lukavac;
- Fotokopija Grafičkog prikaza urbanističke saglasnosti broj: 09-19-722/22 od 21.06.2022. godine, izdat od strane Službe za urbanizaciju, imovinske i geodetske poslove Grada Lukavac;
- Original Podaci o identifikaciji od 31.08.2022.godine;
- Original Posjedovni list broj: 06-26-3-4779/21-1 od 16.12.2021. godine, izdat od strane Službe za geodetske i imovinske - pravne poslove Općine Lukavac;
- Original Zemljišnoknjižnog izvadka zk.ul. broj: 1857 k.o. Bokavići od 17.10. 2022. godine, izdat od strane Zemljišnoknjižnog ureda Općinskog suda u Tuzli;
- Original Izvještaj o dnevniku br. 032-0-DN-20-003 242 od 17.10.2022. godine, izdat od strane Zemljišnoknjižnog ureda Općinskog suda u Tuzli;
- Original Zemljišnoknjižnog izvadka zk.ul. broj: 1451 k.o. Bokavići od 26.09. 2022. godine, izdat od strane Zemljišnoknjižnog ureda Općinskog suda u Tuzli;
- Original Izvještaj o dnevniku br. 032-0-DN-20-003 234 od 26.09.2022. godine, izdat od strane Zemljišnoknjižnog ureda Općinskog suda u Tuzli;
- Original kopije katastarskog plana broj: 06-26-3-4779/2021-5 od 16.12.2022. godine, izdat od strane Službe za urbanizaciju, imovinske i geodetske poslove Grada Lukavac;

U okviru dostavljenog Elaborata potpune i nepotpune eksproprijacije za potrebe izgradnje elektroenergetskog objekta Transformatorska stanica KSF6 10(20)/0,4 Kv „Filter Stanica“ sa priključnim srednjenaponskim kablom 10(20) kV na lokaciji Modrac, od Decembra 2022. godine, navedeno je:

Da „Elektroprivreda BiH“ d.d. Sarajevo, Podružnica „Elektrodistribucija“ Tuzla, ima u planu da na području Grada Lukavac izgradi elektroenergetski objekat: Transformatorska stanica KSF6 10(20)/0,4 Kv „Filter Stanica“ sa priključnim srednjenaponskim kablom 10(20) kV na lokaciji Modrac. Da je za izgradnju pomenutog elektroenergetskog objekta potrebno pribaviti saglasnosti i odobrenja u skladu sa Zakonom o prostornom uređenju i građenju TK-a („Službene novine TK-a, broj 6/11, 4/13, 15/13, 3/15, 2/16 i 4/17), a samim tim i riješiti imovinsko-pravne odnose sa vlasnicima parcele na kojima je planirana izgradnja navedenog elektroenergetskog objekta. Da je rješenjem o urbanističkoj saglasnosti broj: 09-19-722/22 od 23.06.2022. godine, izdatim od strane Službe za urbanizaciju, imovinske i geodetske poslove Grada Lukavac, planirano izgraditi elektroenergetski objekat Transformatorska stanica KSF6 10(20)/0,4 Kv „Filter Stanica“ sa priključnim srednjenaponskim kablom 10(20) kV na lokaciji Modrac, odnosno na parceli označenoj u tački I. ovog rješenja. Da se za potrebe izgradnje naprijed pomenutog elektroenergetskog objekta JP „Elektroprivreda BiH“ d.d Sarajevo, Podružnica „Elektrodistribucija“ Tuzla, obraća Gradskom vijeću Lukavac sa zahtjevom za utvrđivanje javnog interesa u svrhu izgradnje Transformatorska stanica KSF6 10(20)/0,4 Kv „Filter Stanica“ sa priključnim srednjenaponskim kablom 10(20) kV na lokaciji Modrac, a u skladu sa članom 16. stav 1. Zakona o eksproprijaciji FBiH. Da je svrha izgradnje pomenutog elektroenergetskog objekta poboljšanje snabdjevanja električnom energijom svih vlasnika poslovnih objekata datog područja, zatim stvorit će se tehnički uslovi za alternativno snabdijevanje el. energijom, te omogućiti priključenje novih krajnjih kupaca na distributivnu mrežu.

Odredbom člana 3. Zakona o eksproprijaciji FBiH, propisano je:

„Nekretnina se može ekspropisati kada je to potrebno za izgradnju saobraćajne infrastrukture, privrednih, komunalnih, zdravstvenih, prosvjetnih i objekata kulture, objekata odbrane, uprave i drugih objekata od javnog interesa kada se ocijeni da će se korištenjem nekretnine, za koju se

namjerava predložiti eksproprijacija u novoj namjeni postići veća korist od one koja se postizala korištenjem te nekretnine na dosadašnji način.

Nekretnina se može eksproprijirati i kada je potrebno radi izvođenja drugih radova od javnog interesa.

Zemljište se ne može eksproprijirati u cilju poljoprivredne obrade.“

Odredbom člana 14. stav 4. Zakona o eksproprijaciji FBiH, propisano je da Odluku o utvrđivanju javnog interesa za izgradnju objekata ili izvođenja radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Odredbom člana 16. Zakona o eksproprijaciji FBiH, propisano je:

„Prijedlog za utvrđivanje javnog interesa za eksproprijaciju podnosi lice koje prema odredbama ovog Zakona može biti korisnik eksproprijacije.

Prijedlog za utvrđivanje javnog interesa podnosi se Vladi, odnosno vladi kantona ili općinskom vijeću putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilju eksproprijacije i druge podatke za utvrđivanje javnog interesa).

Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema tog prijedloga.

Aktom o utvrđivanju javnog interesa, u skladu sa odredbama ovog člana, odredit će se i korisnik eksproprijacije.

Protiv akta o utvrđivanju javnog interesa može se pokrenuti upravni spor kod nadležnog suda osim u slučajevima iz člana 15. ovog Zakona.“

Pouka o pravnom lijeku:

Protiv ovog rješenja može se pokrenuti upravni spor podnošenjem tužbe Kantonalnom sudu u Tuzli, u roku od 30 dana nakon prijema istog. Tužba se podnosi neposredno sudu.

PREDSJEDAVAJUĆI
GRADSKOG VIJEĆA

Suad Salibašić, dipl.ecc.s.r.



Broj: 01-02-5754/22
Lukavac, 06.02.2023. godine

Na osnovu člana 104. Statuta općine Lukavac („Službeni glasnik općine Lukavac“, broj: 5/08 i 1/14), člana 9. Zakona o ministarskim, vladinim i drugim imenovanjima („Službene novine Federacije Bosne i Hercegovine“, broj 12/03, 34/03 i 65/13), člana 3. Odluke o utvrđivanju uslova i kriterija za imenovanje na pozicije u regulirane organe („Službeni glasnik općine Lukavac“, broj: 6/04 i 9/17) i člana 4. Odluke o raspisivanju i utvrđivanju teksta Javnog oglasa za izbor i imenovanje člana Nadzornog odbora JP „RAD“ doo Lukavac, Gradsko vijeće Lukavac na 11. redovnoj sjednici održanoj dana 31.01. i nastavku 02.02.2023. godine donijelo je

R J E Š E N J E
o imenovanju Komisije za izbor člana Nadzornog
odbora JP „Rad“ d.o.o. Lukavac

I

U sastav Komisije za izbor člana Nadzornog odbora JP „RAD“ doo Lukavac po Javnom oglasu za izbor i nominovanje člana Nadzornog odbora JP „RAD“ doo Lukavac, imenuju se:

1. Alen Nuhić, predsjednik,
2. Mirela Bubić, član,
3. Elsajed Fatušić, član,
4. Samir Softić, član,
5. Samir Subašić, član.

II

Zadatak komisije je da pregleda pristigle prijave po Javnom oglasu za izbor i nominovanje člana Nadzornog odbora JP „RAD“ doo Lukavac, obavi intervju sa kandidatima čije su prijave formalno-pravno ispravne, sačini rang listu kandidata koji ispunjavaju tražene uslove, te istu dostavi Gradonačelniku radi sačinjavanja prijedloga u skladu sa rang listom. Gradonačelnik dostavit će prijedlog kandidata za člana Nadzornog odbora JP „RAD“ doo Lukavac Gradskom vijeću Lukavac radi imenovanja.

III

Ovo rješenje stupa na snagu danom objavljivanja u „Službenom glasniku grada Lukavac“.

PREDSJEDAVAJUĆI
GRADSKOG VIJEĆA

Suad Salibašić, dipl.ecc.s.r.



Broj: 01-02-236/21-3
Lukavac, 06.02.2023.godine

Na osnovu člana 32. Statuta općine Lukavac („Službeni glasnik općine Lukavac“ broj 5/08 i 1/14), člana 25. i 26. Poslovnika o radu Općinskog vijeća Lukavac (»Službeni glasnik općine Lukavac“, broj 5/06, 2/09 i 5/09), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22), Gradsko vijeće Lukavac na 11. redovnoj sjednici održanoj dana 31.01.2023. i nastavku 02.02.2023.godine, donijelo je

RJEŠENJE

o razrješenju i imenovanju člana Komisije za stambeno-komunalne poslove,
poslove mjesnih zajednica i zaštitu okoliša

I

Almir Alić se razrješavaju dužnosti člana (predsjednika) Komisije za stambeno-komunalne poslove, poslove mjesnih zajednica i zaštitu okoliša, a za novog člana (predsjednika) iste imenuje se Jasmin Hodžić.

II

Mandat imenovanog člana Komisije za stambeno-komunalne poslove, poslove mjesnih zajednica i zaštitu okoliša, vezan je mandatom saziva Gradskog vijeća.

III

Rješenje proizvodi pravno dejstvo danom objave u “Službenom glasniku Grada Lukavac”.

**PREDSJEDAVAJUĆI
GRADSKOG VIJEĆA**

Suad Salibašić, dipl.ecc.s.r.



Broj:01-02-61/23
Lukavac, 06.02.2023. godine

Na osnovu člana 13. Zakona o principima lokalne samouprave FBiH („Službene novine Federacije BiH“, broj: 49/06 i 51/09), člana 32. Statuta općine Lukavac („Sl. glasnik općine Lukavac“, broj: 5/08 i 1/14), člana 8. i člana 11. Zakona o sportu Tuzlanskog kantona („Službene novine Tuzlanskog kantona“, br. 11/2021) i Strategije za razvoj sporta općine Lukavac 2022-2027 („Sl. glasnik općine Lukavac“, broj: 2/22), Gradsko vijeće Lukavac, na 11. sjednici održanoj dana 31.01. i 02.02. 2023. godine, donijelo je

GODIŠNJI PROGRAM RAZVOJA SPORTA I RASPODJELE SREDSTAVA U OBLASTI SPORTA ZA 2023. GODINU

1. OPĆE ODREDBE

Član 1.

(1) Programom razvoja sporta Grada Lukavac, (u daljnjem tekstu: Program), utvrđuje se način finansiranja, osnovna polja finansiranja u sportu, uslovi i postupak za raspodjelu planiranih sredstava. Program definiše podnošenje zahtjeva i izvještaja o utrošku dodijeljenih sredstava, a koji se primjenjuju na sve registrovane nosioce sportskih djelatnosti na nivou Grada Lukavac (u daljem tekstu: Grada).

Član 2.

(1) Pravo na dodjelu finansijskih sredstava iz Budžeta putem nadležne gradske Službe i Sportskih saveza a u sektoru sporta imaju registrovani subjekti u oblasti sporta na području grada Lukavac, koji ispunjavaju kriterije ovog Programa.

(2) Sredstva planirana u Budžetu za ove namjene su:

- sredstva za finansiranje sportskih saveza,
- Sredstva Javnog poziva za kategorizaciju klubova i razvoj kvalitetnog i vrhunskog sporta grada Lukavac
- sredstva za finansiranje sportskih klubova od općeg interesa
- sredstva za sportske memorijalne i ostale manifestacije,
- sredstva Javnog poziva OCD-a u oblasti sporta i projekte u oblasti sporta,
- sredstva za održavanje, iznajmljivanje, izgradnju i adaptaciju sportskih objekata
- sredstva Javnog poziva za sportske stipendije
- sredstva javnog poziva za sportske članarine
- sredstva za kupovinu sportske opreme

(3) Sredstva iz stava 2. tačka 1. ovog člana, isplaćuju se Sportskim savezima, na način kako je predviđeno ovim Programom.

(4) Sredstva iz stava 2. od tačke 2 do tačke 9. ovog člana, isplaćuju se sportskim udruženjima, na način kako je predviđeno ovim Programom.

Član 3.

(1) Grad Lukavac, u oblasti sporta, putem resornih službi vrši sljedeće aktivnosti:

- Planira razvoj sporta na području grada Lukavac,
- Sarađuje sa Sportskim savezima i sportskim udruženjima sa područja grada Lukavac,
- Sarađuje sa Javnim ustanovama, nadležnim ministarstvima, i strukovnim udruženjima iz oblasti tjelesnog odgoja i sporta

- obezbijuje sredstva i vrši isplatu sredstava u obliku finansiranja i sufinansiranja u oblasti sporta i pomaže u ostvarivanju elemenata sporta kroz Strategiju integriranog razvoja općine Lukavac u oblasti sporta na području grada Lukavac, Strategiju razvoja sporta općine Lukavac, i druge akte koji uređuju oblast sporta na nivou grada Lukavac.
- Obavlja stručne analize i poduzima konkretne aktivnosti i mjere za razvoj sporta na području grada Lukavac
- podstiče i prema svojim mogućnostima stvara povoljnije uslove za obavljanje sportskih djelatnosti na području grada Lukavac,
- planira izgradnju novih i kontrolira namjensko korištenje postojećih javnih objekata za sport i sportsku rekreaciju na području grada Lukavac.

(2)Ovim Programom definišu se nadležnosti u oblasti planiranja potreba, prijedloga načina raspodjele sredstava, monitoringa i izvještavanja o utrošku sredstava iz Budžeta Grada Lukavac, namijenjenih sportu u tekućoj budžetskoj godini.

2. NAČIN ORGANIZOVANJA I RASPODJELE SREDSTAVA

2.1. Sportski savez grada Lukavac i Savez za sport i rekreaciju osoba sa invaliditetom grada Lukavac

Član 4.

(1)Registrovana udruženja u oblasti sporta mogu se udruživati u sportske saveze, granske sportske saveze i asocijacije. Sportski savez gradaLukavac i Savez za sport i rekreaciju osoba sa invaliditetom grada Lukavac, (u daljnjem tekstu sportski savezi), okupljaju sva registrovana udruženja u oblasti sporta na području grada u okviru svoje registrovane djelatnosti u cilju zajedničkih ostvarenja ciljeva u oblasti sporta.

(2)Sportski savezi u saradnji sa nadležnom službom vrše:

- predlaganje članova u stručna i konsultativna tijela i komisije,
- ostvaruju prava na mogućnost kreiranja Budžeta Grada Lukavac za ovu oblast,
- predlažu Službi plan raspodjele sredstava za tekuću budžetsku godinu,
- vrši mjesečna potraživanja sredstava od Službe za potrebne aktivnosti Saveza i udruženih klubova i raspoređuju sredstva po korisnicima, a prema Kategorizaciji sportskih klubovi za tekuću godinu, Planom raspodjele sredstava Saveza, odredbama Strategije razvoja sporta općine Lukavac 2022-2027, i Godišnjeg razvoja sporta,
- Vršer monitoring, realizaciju programa i finansijsku kontrolu utroška ovog dijela budžetskih sredstava
- dostavljaju izvještaje i dokumentaciju o pravdanju Službi o utrošku sredstava,
- vrše i druge poslove iz svoje nadležnosti.

(3) Zatečene članice u okviru Sportskog saveza grada Lukavac i Saveza za sport i rekreaciju osoba sa invaliditetom grada Lukavac, stupanjem na snagu ovog Programa su po automatizmu članice Saveza. Novoformirana udruženja u oblasti sporta svojom odlukom i odlukom saveza, postaju nove članice. Uključivanjem u sportski savez, udruženje u oblasti sporta ne gubi autonomiju u svom radu, nego se uključuje u sistem finansiranja i zajedničkog odlučivanja. Na osnovu odredbi Statuta Sportskog saveza grada Lukavac i Saveza za sport i rekreaciju osoba sa invaliditetom, novoformirani klubovi, na osnovu ličnih zahtjeva za članstvom, i odluke Saveza, postaju nove članice.

2.2. Odsjek za društvene djelatnosti, mlade i sport

Član 5.

(1) U okviru Službe za društvene djelatnosti i upravu, djeluje i Odsjek za društvene djelatnosti, mlade i sport, u čijoj nadležnosti su odredbe iz člana 3. ovog Programa.

2.3. Način raspodjele sredstava

Član 6.

- (1) Raspodjela sredstava u Budžetu za oblast sporta, vršit će se po odredbama ovog Programa, a sredstva će se uplaćivati na račune korisnika putem:
 - Službe za društvene djelatnosti i upravu,
 - Isplate sredstava sa računa nadležnih Sportskih saveza, ovisno o tome kako su sredstva planirana Budžetom za tekuću godinu.
- (2) Sredstva namijenjena za sektor sporta planirana na osnovu kategorizacije sportskih klubova, proglašeni klubova i manifestacija od općeg interesa, memorijalnih manifestacija, sredstva Javnog poziva OCD-a u oblasti sporta, sredstva namijenjena za sportske objekte, sredstva za finansiranje projekata u oblasti sporta, te druga sredstva namijenjena za sektor sporta, doznačavat će se na račune korisnika – organizatora na način kako je definisano ovim Programom, a shodno Odluci o izvršenju budžeta za tekuću budžetsku godinu.
- (3) Sredstva namijenjena za kategorizaciju klubova i razvoj sporta, Grad Lukavac će dodijeliti preko nadležne Službe ili preko Sportskih saveza. Ova sredstva će se dodjeljivati sportskim klubovima na osnovu kategorizacije i vrednovanja sportskih klubova kriterijima iz ovog Programa, na osnovu Javnog poziva kojeg realizuje Služba, a visinu sredstava koja se raspoređuju klubovima preko nadležne Službe, određuje Služba poštujući pri tom kategorizaciju klubova. Visinu sredstava koja se raspoređuju klubovima preko Sportskih saveza, određuju Sportski savezi na osnovu prijedloga Komisije za vrednovanje i kategorizaciju, planova raspodjele sredstava koje donesu skupštine sportskih saveza, poštujući pri tom kategorizaciju klubova, odredbe ovog Programa i Strategije razvoja sporta, uz saglasnost nadležne Službe. Planiranje i realizacija aktivnosti koje se obavljaju preko Sportskih saveza, uređuju se posebnim Pravilnikom u oblasti sporta koje donose Sportski savezi, uz saglasnost nadležne Službe, a poštujući odredbe Godišnjeg programa razvoja sporta, te Javnog poziva za kategorizaciju sportskih klubovi za tekuću godinu, a zavisit će od planiranih ukupnih sredstava predviđenim budžetom za tekuću godinu.
- (4) Obaveza i odgovornost Saveza je u poštivanju odredbi ovog Programa, racionalnom planiranju aktivnosti i transparentnom izvještavanju o utrošenim planiranim sredstvima. Bez usvojenih akata od strane upravljačkih tijela saveza, nije moguće povlačiti sredstva iz Budžeta u bilo kom obliku. Prava iz pojedinih tački ovog Programa mogu se ostvariti samo ukoliko je usvojenim budžetom Grada i odlukom skupština saveza donesena odluka o finansiranju takve aktivnosti. Sportski savezi su odgovorni za monitoring, implementaciju i praćenje finansijskog izvještavanja klubova koji se finansiraju preko sportskih saveza.
- (5) U slučaju prestanka funkcionisanja ili utvrđene nepravilnosti u radu i isplati sredstava sportskih saveza i drugih udruženja koja se finansiraju direktno utvrđenom budžetskom pozicijom, ili promjenama gradskih, zakonskih ili podzakonskih regulativa, nadležna Služba Grada Lukavac će obustaviti sve isplate planiranih sredstava i preuzeti nadležnosti finansiranja u oblasti sporta ovog dijela budžetskih sredstava. Pravljanje dodijeljenih novčanih sredstava, će biti regulisano kroz Sporazum o međusobnoj saradnji između Sportskih saveza/klubova i Grada Lukavac.
- (6) Konačan plan izdvojenih sredstava za tekuću godinu u ovoj oblasti definiše se usvajanjem Budžeta od strane Gradskog vijeća Lukavac. Nakon usvajanja Budžeta, nadležna Služba i skupštine sportskih saveza dužne su za tekuću budžetsku godinu usvojiti plan finansiranja aktivnosti udruženja u oblasti sporta, na osnovu ovog Programa. Usvojeni plan Savezi su dužni dostaviti nadležnoj Službi. Na osnovu usaglašenog i usvojenog plana sa resornom Službom, Savezi će vršiti kvartalno potraživanje na osnovu planskih potreba od Službe i time omogućiti da registrovana udruženja obavljaju svoju djelatnost.

(7) Odluku o načinu isplate sredstava preko Službe ili Sportskih saveza, donosi Gradonačelnik.

2.4. Namjena dodijeljenih finansijskih sredstava

Član 7.

(1) Naznačena sredstva u Budžetu za tekuću godinu za sektor sporta, Grad Lukavac će preko nadležne Službe, dodijeliti sportskim savezima i udruženjima, a ista sportski subjekti mogu koristiti za sljedeće aktivnosti i troškove:

- Redovna godišnja sredstva za funkcionisanje Sportskih saveza (plata uposlenika, materijalni troškovi, manifestacije i sportski programi),
- Redovna sredstva na godišnjem nivou sportskim udruženjima za kotizacije, troškove službenih lica, registracije u granske saveze, ljekarske preglede i zdravstveno osiguranje sportista, troškove zakupa sale i prostora za obavljanje trenažnog procesa, prevoza, smještaja i ishrane na takmičenjima, i drugih sportskih djelatnosti koje su u skladu sa odredbama Zakona o sportu TK.
- Kupovina neophodne sportske opreme za realizaciju trenažnog, takmičarskog procesa, i sportskih djelatnosti,
- Druge aktivnosti u oblasti sporta za koje se donesu odluke skupština saveza i udruženja, koja su u skladu sa odredbama Zakona o sportu TK, a sredstva su planirana Budžetom za tekuću godinu,
- Sufinansiranje stručnih lica osposobljenih za rad u sportu, trenera, kondicijskih trenera i instruktora, prema odredbama Zakona o sportu TK.
- Sredstva planirana za nagrade i stipendije vrhunskim sportistima i sportskim klubovima za ostvarene vrhunske sportske rezultate na takmičenjima,
- Sredstva za održavanje, iznajmljivanje, izgradnju i adaptaciju sportskih objekata

(2) Sportski klubovi kojima su dodijeljena budžetska sredstva po osnovu kategorizacije klubova, ista su obavezni utrošiti namjenski prema sljedećim prioritetima:

Primarni troškovi:

1. Troškovi za realizaciju trenažnih aktivnosti: obezbjeđivanje sportskih terena za realizaciju sportskih aktivnosti,
2. Troškovi za realizaciju takmičarskih aktivnosti: članarine i registracija klubova i sportista u nadležne saveze, kotizacije za učešće u takmičarskim aktivnostima, itd.,

Sekundarni troškovi:

3. Troškovi sufinansiranja stručnih lica neophodnih za realizaciju sportskih djelatnosti, prevoz na turnire, prenočište i ishrana itd., u skladu sa zakonom.
4. Ostali troškovi koji se odnose na sportske stipendije, naknade sportistima, opremu, itd., u skladu sa zakonom.

(3) Sportski kolektivi prve i druge kategorije, dodijeljena budžetska sredstva mogu utrošiti i na sekundarne troškove, samo ukoliko su prethodno obezbijeđena sredstva za primarne troškove. Sportski kolektivi nižih kategorija, dodijeljena budžetska sredstva mogu utrošiti samo na primarne troškove.

(4) Sportskim kolektivima viših kategorija nije dozvoljeno dodijeljena budžetska sredstva utrošiti na djelatnosti sekundarnih troškova i nižih prioriteta ukoliko za djelatnosti primarnih troškova i viših prioriteta nisu prethodno obezbijeđena finansijska sredstva.

(5) Ukoliko sportski subjekti postupe suprotno od odredbi ovog člana, obustavit će se postupak daljeg finansiranja istih, te su isti obavezni izvršiti povrat finansijskih sredstava u budžet Grada Lukavac.

(6) Korisnici sredstava su obavezni opravdati dobivena finansijska sredstva u skladu sa finansijskim planom programa i projekta, i odredbama ovog člana.

3. DODJELJIVANJE SREDSTAVA

Član 8.

- (1) Na raspoloživa sredstva u Budžetu Grada Lukavac naznačena u članu 2. ovog Pravilnika, registrovani sportski savezi i registrovana udruženja u oblasti sporta mogu ostvariti pravo u toku godine ako ispunjavaju sljedeće opće uvjete:
- (2) da je savez - klub registrovan u skladu sa odredbama Zakona o udruženjima i fondacijama FBiH,
- (3) da je savez - klub registrovan u skladu sa Zakonom o sportu Tuzlanskog kantona, i da je rad istog prilagođen odredbama ovog Zakona
- (4) za sredstva namijenjena za razvoj kvalitetnog i vrhunskog sporta, da je klub uključen u redovan sistem takmičenja u okviru granskog nadležnog Saveza,
- (5) da je zahtjev sa programom – projektom, podnesen u naznačenom roku i na propisanom obrascu,
- (6) da ima transparentno finansijsko poslovanje i izvještavanje (dostavljen izvještaj bilansa stanja i bilansa uspjeha za prethodnu godinu),
- (7) da je dostavio izvještaj i opravdao utrošak dodijeljenih sredstava za protekli period, odnosno za prethodno odobrene projekte.

3.1. Potraživanje redovnih godišnjih sredstava za funkcionisanje Sportskih saveza

Član 9.

- (1) Sportski savezi imaju mogućnost potraživanja sredstava iz ukupnog dijela planiranih budžetskih sredstava za sport, za funkcionisanje sportskih saveza, a na osnovu odluke skupština saveza, uz saglasnost nadležne Službe, Grad Lukavac će sa Sportskim savezima potpisati ugovore o partnerskom odnosu i saradnji. Sredstva će se od nadležne Službe potraživati sa ukupnom specifikacijom potreba za određeni period. Utrošak ovih sredstava podliježe redovnom kvartalnom izvještavanju nadležnoj Službi o utrošku dodijeljenih sredstava za ovu namjenu na način utvrđen od strane Službe, i Sporazumom o partnerskim odnosima.

3.2. Sredstva za kategorizaciju i razvoj sporta grada Lukavac

Član 10.

- (1) Grad Lukavac, će preko nadležne Službe raspisati Javni poziv za vrednovanje, kategorizaciju i funkcionisanje sportskih klubova i raspodjelu sredstava sportskim kolektivima za razvoj sporta na području grada Lukavac, za programe sportskih klubova u vremenskom periodu cijele tekuće godine, na osnovu Pravilnika za kategorizaciju.
- (2) Ukupno raspoloživa sredstva za rad kategoriziranih sportskih udruženja, usvojenim budžetom Grada Lukavac za tekuću godinu ne mogu biti manja od 1% od ukupno planiranih sredstava budžeta za tekuću godinu.
- (3) Sportski kolektivi će u sklopu prijave na Javni poziv dostaviti Godišnji plan i program rada sa finansijskim planom i okvirno potrebnim sredstvima za realizaciju Godišnjeg programa.
- (4) Grad Lukavac će preko resorne Službe, prema utvrđenoj proceduri, dostaviti sredstva na račune Sportskih saveza/klubova, nakon potpisivanja ugovora sa istim.
- (5) Iznos finansijskih sredstava koja se dodjeljuju sportskim kolektivima po ovom osnovu odredit će se proporcijom na osnovu osvojenih bodova u odnosu na ukupno raspoloživa sredstva za ovu namjenu, pri čemu će se voditi računa o kategorizaciji klubova, o potraživanom iznosu sportskih kolektiva i procjene Komisije o objektivno potrebnim sredstvima. Neraspoređeni dio sredstava po ovom osnovu, klubovima će ista rasporediti Sportski savezi na osnovu procjene realnih potreba istih.

- (6) Ukoliko bude predviđeno da se sredstva dodjeljuju preko Sportskih saveza, Sportski savez Lukavac će na osnovu utvrđene kategorizacije sportskih klubova, utvrditi iznos izdvojenih sredstava po vrijednosnim kategorijama i klubovima unutar kategorija proporcijom na osnovu osvojenih bodova u odnosu na ukupno raspoloživa sredstva za ovu namjenu, uz saglasnost nadležne Službe, poštujući hijerarhijski redoslijed kategorija i klubova, i poštujući odredbe ovog Programa, Strategije razvoja sporta općine Lukavac.
- (7) Savez za sport i rekreaciju osoba sa invaliditetom općine Lukavac, utvrdit će iznose izdvojenih sredstava pojedinačno po klubovima članicama Saveza, proporcijom na osnovu osvojenih bodova u odnosu na ukupno raspoloživa sredstva za ovu namjenu, uz saglasnost nadležne Službe, poštujući pri tome hijerarhiju vrednovanja klubova, i kvalitet programa klubova u radu sa osobama sa invaliditetom.
- (8) Sportski savezi će na osnovu prijedloga Komisije za vrednovanje i kategorizaciju, plana finansiranja koje su donijele skupštine Saveza, i na osnovu kategorizacije klubova i vrednovanja sportskih klubova kriterijima iz Strategije za razvoj sporta općine Lukavac 2022-2027, i ovog Programa, izraditi prijedlog potrebnih sredstava za troškove sportskih udruženja i drugih oblika finansiranja usvojenih važećim Pravilnicima, uz saglasnost nadležne Službe, i predložiti dinamiku isplate. Sportski savezi će, nakon potpisivanja Ugovora sa sportskim klubovima, prema utvrđenoj proceduri, dostaviti sredstva na račune korisnika.
- (9) Sportski klubovi kojima su dodijeljena finansijska sredstva, dužni su ista opravdati, uz priložene kopije uplatnica, izvoda, računa, ugovora, i drugih dokumenata relevantnih za izvještavanje, jedan mjesec nakon utroška sredstava, a u vanrednim slučajevima, najkasnije do 31. decembra tekuće godine, odnosno prije kategorizacije klubova za narednu godinu, i usvajanja Godišnjeg programa razvoja sporta.
- (10) Sportski savezi su odgovorni za monitoring i kontrolu utroška finansijskih sredstava dodijeljenih sportskim klubovima preko Sportskih saveza, te su obavezni dodijeljena sredstva opravdati nadležnoj Službi, uz priloženu dokumentaciju o pravdanju, jedan mjesec nakon utroška sredstava, a u vanrednim slučajevima, najkasnije do 31. decembra tekuće godine, odnosno prije kategorizacije klubova za narednu godinu, i usvajanja Godišnjeg programa razvoja sporta, što će biti definisano Sporazumom o međusobnoj saradnji između Grada Lukavac i Sportskih saveza.
- (11) Korisnici sredstava su obavezni utrošiti i opravdati dobivena finansijska sredstva u skladu sa odredbama ovog Programa.
- (12) Na osnovu Javnog poziva za kategorizaciju sportskih klubova, dodijelit će se i namjenska sredstva za kupovinu sportske opreme i sportske stipendije za kategorizirane klubove. Broj stipendija po klubovima i visina iznosa sredstava za kupovinu sportske opreme, utvrdit će se Odlukom Gradonačelnika.
- (13) Korisnicima sredstava koji nisu u potpunosti opravdali sredstva za prethodnu godinu po osnovu Javnog poziva za Kategorizaciju sportskih klubova, za tekuću godinu će se umanjiti sredstva iz stava 5. ovog člana za visinu iznosa koji nije opravdan iz prethodne godine.

3.3. Pravilnik o kriterijima za kategorizaciju sportskih kolektiva

Član 11.

3.3.1. Namjena

Oblasti na koje se odnose smjernice ovog Pravilnika su:

- a) raspodjela budžetskih sredstava Grada Lukavac sportskim kolektivima na području grada Lukavac
- b) dodjeljivanje priznanja pojedincima i udruženjima iz oblasti sporta
- c) nagrade i stipendiranje učenika/studenata uspješnih sportista
- d) izdavanje uvjerenja nadležnih institucija za postignuća iz oblasti sporta.

e) finansiranje i raspodjela termina za vježbanje u sportskim objektima koje su u nadležnosti Grada Lukavac.

3.3.2. Kategorije vrednovanja sporta

(1) Vodeći se činjenicom da je sport djelatnost od javnog interesa u BiH, te na naučno dokazanu društvenu i zdravstvenu korist sporta, svaki sportski kolektiv ili sportista imaju određene vrijednosti, koje su radi objektivnijeg vrednovanja, podijeljene u dvije kategorije, te će svaka od kategorija biti vrednovana, u skladu sa potrebama u oblastima iz člana 2, ovog Pravilnika.

(2) Kategorije vrednovanja:

- a) Sportska vrijednost sportista
- b) Sportska vrijednost klubova

3.3.3. Pojam sportske vrijednosti sportista

(1) Sportska vrijednost sportista ogleda se u ostvarenim sportskim rezultatima na zvaničnim takmičenjima u pojedinačnim i ekipnim sportovima.

(2) Rezultati se dokazuju uvjerenjem nadležnog granskog saveza o ostvarenim rezultatima, zvaničnim biltenima sa takmičenja i diplomama.

(3) Sportska vrijednost sportista je osnova za vrednovanje pojedinaca prilikom dodjele stipendija, nagrada i priznanja iz oblasti sporta, te izdavanje uvjerenja pojedincima za postignuća iz oblasti sporta.

3.3.4. Vredovanje sportskih rezultata

(1) Sportski rezultati boduju se prema sljedećoj tabeli:

Tabela 1.

Kategorija takmičenja		1				2				3				4				5			
Takmičenje		OI				SP EI Evropska liga ekipni sportovi				EP, SK, MI,				Univerzijada, Evropski kupovi				BP MP UN pojedinačno Regionalni rang ekipno			
Plasman		1	2	3	+učesće	1	2	3	4-7 mj. P. ½ tabele ek.	1	2	3	4-7 mj. P. ½ tabele ek.	1	2	3	4-7 mj. P. ½ tabele ek.	1	2	3	4-7 mj. P. ½ tabele ek.
Kategorija/uzrast	Seniori	130	125	120	80	115	110	105	80	100	95	90	70	85	80	75	50	70	65	60	40
	Mladi seniori	-	-	-	-	100	95	90	60	85	80	75	60	70	65	60	40	55	50	45	30
	Juniori	100	95	90	60	85	80	75	60	70	65	60	45	55	50	45	30	40	35	30	15
	Kadeti	-	-	-	-	70	65	60	45	55	50	45	20	40	35	30	10	25	20	15	5

	Pioniri	-	-	-	-	55	50	45	20	40	35	30	10	25	20	15	5	15	10	5	-
Kategorija takmičenja	6				7				8				9				10				
Takmičenje	PBIH pojedinačno 1 Rang ekipno				PFBiH 2 Rang ekipno				Kantonalno P. 3 Rang ekipno				4 Rang ekipno				5 Rang ekipno				
Plasman	1	2	3	4-7 mj. P. ½ tabele	1	2	3	4-7 mj. P. ½ tabele	1	2	3	4-7 mj. P. ½ tabele	1	2	3	½ tabele ek.	1	2	3	½ tabele ek.	
Kategorija/uzrast	Senior	55	50	45	30/20	40	35	30	20/10	25	20	15	10/5	10	8	6	5	5	4	3	1
	Mladi seniori	40	35	30	15	25	20	15	5	6	5	4	-	-	-	-	-	-	-	-	-
	Junior	25	20	15	5	15	10	5	-	5	4	3	-	-	-	-	-	-	-	-	-
	Kadeti	15	10	5	-	5	4	3	-	3	2	1	-	-	-	-	-	-	-	-	-
	Pioniri	5	4	3	-	3	2	1	-	-	-	-	-	-	-	-	-	-	-	-	-

Napomena: Vrednuje se najbolji rezultat po uzrasnoj kategoriji, i u okviru jednog ranga takmičenja. Izuzetno, komisija može dodijeliti do 5 bodova više sportskoj organizaciji koja je ostvarila rezultate koji se vrednuju u okviru višeg nivoa takmičenja.

3.3.5. Kategorizacija sportskih rezultata

- (1) Sportska takmičenja su svrstana u jednu od 10 kategorija, u skladu sa težinom osvajanja sportskog rezultata (konkurencijom) na istim.
- (2) Kategorizacija sportskih rezultata se odnosi na težinu osvajanja sportskog rezultata na zvaničnim takmičenjima, i predstavljat će osnov za kategorizaciju sportskih takmičenja, odnosno osvojenih rezultata na sportskim takmičenjima.
- (3) Svi ostvareni rezultati, će biti svrstani u jednu od deset težinskih kategorija. Kategorija 1 (jedan), predstavlja Olimpijske igre, a kategorija 10 (deset), predstavlja najniži nivo takmičenja, odnosno Gradsko prvenstvo. Ostali rezultati će biti svrstani u kategorije takmičenja prema stručnoj procjeni Komisije, u skladu sa odredbama Strategije za razvoj sporta općine Lukavac 2022-2027, koji se odnose na konkurenciju i težinu osvajanja sportskog rezultata na pojedinim takmičenjima i odredbama ovog Pravilnika.
- (4) Vrednuju se sportski rezultati ostvareni u sportovima čije su međunarodne federacije članice IOC-a i članice GAISF-a.
- (5) Težina osvajanja sportskog rezultata odnosi se na konkurenciju na takmičenju, a ista se mjeri zvaničnim nivoom takmičenja, ako je u pitanju sportski rezultat ostvaren u sportovima u kojima je sistem takmičenja regulisan kvalifikacijom ili normom za to takmičenje, npr. Olimpijske igre, Evropska liga..., zatim odnosom ukupnog broja učesnika sa brojem sportskih disciplina i kategorija određenog takmičenja, brojem zemalja učesnica na međunarodnim takmičenjima, brojem klubova učesnika, te brojem učesnika u kategoriji u kojoj je ostvaren sportski rezultat, ako je u pitanju sportski rezultat ostvaren u sportovima u kojima sistem takmičenja nije regulisan ostvarivanjem norme ili kvalifikacionim sistemom takmičenja.
- (6) Kategorizaciju sportskih rezultata, poštujući prethodne odredbe, određuje Komisija.

- (7) Sportski rezultat se dokazuje uvjerenjem nadležnog granskog saveza, i zvaničnim biltenima.
- (8) Značaj sportskog rezultata, kao osnov za kategorizaciju, se dokazuje oficijalnim žrijebnim listama, sa vidljivim brojem učesnika, i uvjerenjem nadležnog granskog saveza, sa svim relevantnim podacima o nivou i konkurenciji takmičenja.
- (9) Klub koji za ostvoreni rezultat, ne dostavi dokaz o konkurenciji (žrijebne liste, broj učesnika itd.), u sportovima u kojima sistem takmičenja nije regulisan kvalifikacionim sistemom takmičenja ili normama, bit će vrednovan u nižim kategorijama u odnosu na nivo takmičenja u tabeli broj. 2.
- (10) Rezultati ostvoreni u disciplinama i kategorijama u kojima nije bilo relevantne konkurencije, ostvoreni bez takmičenja i bez ostvarenih pobjeda, u sistemu takmičenja koji nije regulisan kvalifikacijama ili normama, neće biti vrednovani.
- (11) Sportski rezultati ostvoreni u sportovima čije međunarodne federacije nisu članice IOC-a i članice GAISF-a, Stručna komisija može svrstati i vrednovati u nižim kategorijama takmičenja ukoliko uz prethodno pribavljene dokaze od aplikanta, procijeni da je konkurencija na istim relevantna, odnosno da je težina osvajanja sportskog rezultata kredibilna, a za što je obavezna dati obrazloženje, te će isti biti svrstani u kategoriju sportskog odgoja i obrazovanja.
- (12) Postignuti rezultati sa reprezentacijom na Olimpijskim igrama, Svjetskom i Evropskom prvenstvu u ekipnim sportovima biti će bodovani jednako kao rezultati u individualnim sportovima, bez dodavanja bodova na učešće.
- (13) U tabeli 2. su prikazane kategorije takmičenja. Kategorija 1 je najviši nivo takmičenja, odnosno Olimpijske igre, dok je kategorija 10 najniži nivo takmičenja, odnosno Gradsko prvenstvo i pozivni nezvanični turniri, i kategorije 1 i 10 su stalnog karaktera. U ostale kategorije su svrstana takmičenja prema težini osvajanja sportskih rezultata na istim, koje su varijabilnog karaktera, i bit će kategorizirana prema procjeni stručne Komisije

Tabela 2. Kategorije takmičenja:

Kategorija takmičenja	Takmičenja
1	Olimpijske igre
2	Najviši rang takmičenja u okviru međunarodnih granskih federacija: Svjetska prvenstva u sportovima za koje se morala ostvariti norma ili kvalifikacije, Svjetska prvenstva u sportovima sa turnirskim sistemom takmičenja za koje se nije morala ostvariti norma/kvalifikacije na međunarodnom nivou (minimum 40 zemalja učesnica u kategoriji/disciplini), Evropske olimpijske igre,
3	Drugi najviši rang takmičenja u okviru međunarodnih granskih federacija: Evropska liga (ekipni sportovi), Evropska prvenstva u sportovima za koje se morala ostvariti norma ili kvalifikacije, Evropska prvenstva u sportovima sa turnirskim sistemom takmičenja za koje se nije morala ostvariti norma/kvalifikacije na međunarodnom nivou (minimum 25 zemalja učesnica u kategoriji/disciplini), zvanična svjetska takmičenja u sportovima za koji se morala ostvariti norma ili kvalifikacije, zvanična svjetska takmičenja u sportovima za koje se nije morala ostvariti norma/kvalifikacije na međunarodnom nivou (minimum 25 zemalja učesnica u kategoriji/disciplini), Svjetske igre, Mediteranske igre...
4	Treći najviši rang takmičenja u okviru međunarodnih granskih federacija: Zvanična međunarodna takmičenja za koje se morala ostvariti norma ili kvalifikacije, zvanična međunarodna takmičenja u sportovima sa

	turnirskim sistemom takmičenja za koje se nije morala ostvariti norma/kvalifikacije na međunarodnom nivou (minimum 15 zemalja učesnica u kategoriji/disciplini) - Univerzijada, zvaničan Evropski kup, Evropska klupska prvenstva...
5	Četvrti najviši rang takmičenja u okviru međunarodnih granskih federacija: Zvanična međunarodna takmičenja za koje se morala ostvariti norma ili kvalifikacije, zvanična međunarodna takmičenja od 6 do 14 država učesnica u kategoriji/disciplini sa turnirskim sistemom takmičenja za koje se nije trebala ostvariti norma/kvalifikacije, (Svjetska i evropska takmičenja, Balkansko prvenstvo, Mediteransko prvenstvo, Univerzitetsko evropsko i svjetsko prvenstvo, Grand prix...), regionalne lige u kolektivnim sportovima...
6	Najviši nacionalni rang: Premier liga u kolektivnim sportovima, Državno prvenstvo u pojedinačnim sportovima preko 10 učesnika u kategoriji, zvanična međunarodna takmičenja od 3 do 5 država učesnica u kategoriji sa turnirskim sistemom takmičenja za koje se nije trebala ostvariti norma na međunarodnom nivou
7	Drugi najviši nacionalni rang: 2 rang takmičenja u kolektivnim sportovima, Federalno prvenstvo u pojedinačnim sportovima više od 10 učesnika u kategoriji, zvanična međunarodna takmičenja sa manje od 3 države učesnice u kategoriji sa turnirskim sistemom takmičenja za koje se nije trebala ostvariti norma na međunarodnom nivou, Državno prvenstvo u pojedinačnim sportovima od 6 do 10 učesnika u kategoriji
8	Treći najviši nacionalni rang: 3 rang takmičenja u kolektivnim sportovima, Kantonalna prvenstva pojedinačno, Državno prvenstvo u pojedinačnim sportovima do 5 učesnika u kategoriji
9	Četvrti najviši nacionalni rang: 4 rang takmičenja u kolektivnim sportovima
10	5 rang takmičenja u kolektivnim sportovima, Gradska prvenstva, Školska prvenstva, pozivni turniri

(14) U tabeli broj 2. kategorizirana su takmičenja isključivo u sportskim granama koje egzistiraju na području grada Lukavac u trenutku izrade Strategije. Ukoliko zbog specifičnosti sportova, brojnosti sportskih disciplina, razvojem novih sportskih disciplina na području grada Lukavac, promjene takmičarske legislative u okviru granskih nacionalnih i međunarodnih federacija, neko zvanično takmičenje u nekom sportu nije uvršteno u kategorizaciju takmičenja, a klub ima ostvaren rezultat na tom zvaničnom takmičenju, Komisija će na zahtjev aplikanta uz prethodno pribavljene dokaze o relevantnosti sportskog rezultata i legitimnosti takmičenja na kojem je rezultat ostvaren, svrstati sportski rezultat u odgovarajuću kategoriju takmičenja prema stručnoj procjeni, i izbodovati sportski rezultat.

(15) Iz svake uzrasne kategorije i iz svakog ranga takmičenja boduje se jedan, najjači rezultat. Bodovi unutar iste kategorije se ne mogu zbrajati.

3.3.6. Pojam sportske vrijednosti klubova

(1) Sportska vrijednost klubova ogleda se u koristima sportskih kolektiva i sportista koje oni imaju na društvenu zajednicu, u skladu sa odredbama Strategije za razvoj sporta općine Lukavac 2022/2027.

(2) Sportska vrijednost klubova definisana je sa četrnaest faktora:

1. Tradicija,
2. Najveći sportski domet,
3. Masovnost,

4. Broj reprezentativaca kluba
5. Broj selekcija uključenih u redovna takmičenja,
6. Broj trenera sa odgovarajućom stručnom spremom,
7. Mogućnost sudjelovanja u klubu za osobe sa invaliditetom,
8. Mogućnost sudjelovanja u klubu za osobe oba spola,
9. Subvencije učešća za socijalno ugrožene kategorije,
10. Trenutni sportski domet u vrhunskom sportu
11. Trenutni sportski domet u kvalitetnom sportu
12. Sistem takmičenja
13. Aktivan rad rukovodstva i upravnog odbora kluba
14. Učešće u organizovanom sistemu takmičenja/članstvo u granskom krovnom Savezu

(3) Sportska vrijednost klubova je osnova za vrednovanje klubova prilikom raspodjele finansijskih sredstava sportskim klubovima, dodjele nagrada i priznanja iz oblasti sporta sportskim klubovima, dodjela termina za vježbanje u objektima koji su u nadležnosti Grada, te izdavanje uvjerenja sportskim klubovima za postignuća iz oblasti sporta.

3.3.7. Vrednovanje sportske vrijednosti klubova

3.3.7.1. Tradicija

(1) Boduje se:

Preko 50 godina postojanja.....	3 boda
Od 21 do 50 godina postojanja.....	2 boda
Od 10 do 20 godina postojanja.....	1 bod

(2) Dokazuje se Rješenjem o prvoj registraciji kluba.

3.3.7.2. Najveći sportski domet

(1) Faktor najveći sportski domet predstavlja najbolji sportski rezultat koji je klub uspio ostvariti u svojoj historiji. Sportski domet se vrednuje u skladu sa tabelom 1. i tabelom 2. ovog člana.

(2) Vrijednost faktora „Najveći sportski domet“ iznosi 5% od vrijednosti iz Stava 1. ove tačke.

3.3.7.3. Masovnost

(1) Boduje se broj aktivnih članova kluba, koji imaju prebivalište na području grada Lukavac. Aktivni članovi kluba su članovi koji redovno učestvuju u trenažnom procesu i pripremi za takmičenja, koji su registrovani članovi u granski savez za tekuću godinu, koji redovno rade ljekarski pregled sportista u tekućoj godini, i koji su zdravstveno osigurani od nezgode za tekuću godinu. Boduje se sa 1 (jedan) bod na svakih 6 (šest) aktivnih članova kluba. Broj bodova koji se vrednuje po ovom osnovu, računa se tako što se ukupan broj aktivnih članova podijeli sa 6. Maksimalan broj bodova koji se može ostvariti po ovom osnovu je 25.

(2) Broj članova Kluba se dokazuje spiskom aktivnih članova sa potpisima punoljetnih članova i roditelja za maloljetne članove, uz prilog ljekarskog pregleda aktivnih članova sa spiskom, koji ne smije biti stariji od godinu dana od trenutka kategorizacije, i prilog uvjerenja nadležnog granskog saveza o broju aktivnih članova. Članovi koji nemaju urađen ljekarski pregled u prethodnoj/tekućoj takmičarskoj sezoni, neće biti bodovani.

3.3.7.4. Broj reprezentativaca

(1) Na masovnost, odnosno broj aktivnih članova kluba dodaju se dodatni bodovi za reprezentativce Bosne i Hercegovine.

(2) Boduje se:

- Broj članova u državnoj seniorskoj reprezentaciji 2 i više.....4 boda
- Jedan član u državnoj seniorskoj reprezentaciji.....2 boda
- Juniorski i kadetski reprezentativci.....1 bod

Napomena: Bodovi se ne mogu zbrajati

(3) Dokazuje se uvjerenjem nadležnog granskog saveza o broju reprezentativaca.

3.3.7.5. Broj selekcija uključenih u redovna takmičenja

(1) Boduje se 1 bod po selekciji (uzrasnoj kategoriji). Maksimalan broj bodova je 4, (pioniri, kadeti, juniori i seniori).

(2) Broj selekcija uključenih u redovna takmičenja dokazuje se uvjerenjem o nastupu selekcije na zvaničnim takmičenjima u tekućoj ili prethodnoj takmičarskoj sezoni, koje izdaje nadležni granski savez, diplomama, biltenima sa takmičenja.

(3) U sportovima koji koriste drugi naziv kategorije, (npr mlađi kadeti), od ponuđenih vrednovanje će se raditi prema uzrasnoj dobi, odnosno godinama starosti.

(4) Klubovi mogu ostvariti bodove po ovom osnovu samo ukoliko su ostvarili bodove po osnovu masovnosti, odnosno članstva koje redovno učesvuje u trenažnom procesu. Ukoliko klub ne ostvari bodove po osnovu masovnosti, broj selekcija se također neće vrednovati.

3.3.7.6. Stručni sportski radnici

(1) Boduje se broj stručnih osoba osposobljenih za rad u sportu i broj instruktora prema odredbama važećeg Zakona o sportu TK.

- Za svaku stručnu osobu osposobljenu za rad u sportu.....4 boda
- Za instruktore sa licencom/certifikatom.....1 bod

(2) Vrednovat će se maksimalno 3 stručne osobe iz stava 1., tačke 1. ovog člana, i maksimalno 3 instruktora iz stava 1., tačke 2. ovog člana. Maksimalan broj bodova koji će se priznati po ovom osnovu je 12. Ukoliko sportski kolektiv, na osnovu bodovanja iz stava 1. ovog člana, ostvari veći broj bodova od 12, priznat će mu se 12 bodova.

(3) Licima koja su u procesu školovanja, odnosno studentima koji se univerzitetski osposobljavaju i školuju za rad u sportu prema odredbama važećeg zakona o sportu TK, priznat će se status instruktora, te će isti biti bodovani sa 1 bod.

(4) Status stručnog sportskog radnika u klubu dokazuje se ugovorom o angažmanu između kluba i stručnog lica, i diplomom ili uvjerenjem o diplomiranju/stručnom osposobljavanju stručnog lica.

(5) Klubovi mogu ostvariti bodove po ovom osnovu samo ukoliko su ostvarili bodove po osnovu masovnosti, članstva koje redovno učesvuje u trenažnom procesu odnosno koje je stručno trenirano. Ukoliko klub ne ostvari bodove po osnovu masovnosti, Stručni radnici se također neće vrednovati.

3.3.7.7. Mogućnost učešća u klubu za osobe sa invaliditetom ili poteškoćama u razvoju

- (1) Sportski kolektivi koji u svom radu, imaju mogućnost organiziranog trenažnog procesa za osobe sa invaliditetom, kao i u svom članstvu osobe sa invaliditetom ili poteškoćama u razvoju, vrednuju se sa dodatnih 2 boda.
- (2) Dokaz za vrednovanje je ovjeren spisak članova sa invaliditetom, sa potpisima istih, odnosno potpisima roditelja ukoliko su u pitanju maloljetni članovi.

3.3.7.8. Mogućnost sudjelovanja u klubu za osobe oba spola

- (1) Sportski kolektivi koji u svom radu imaju mogućnost sudjelovanja za članice ženskog spola, odnosno za osobe oba spola, će dobiti dodatnih 2 boda po ovom osnovu.
- (2) Klubovi mogu dokazivati također ovjerenim spiskom članova iz police zdravstvenog osiguranja članova za tekuću godinu, ljekarskim pregledom članova u tekućoj godini, i uvjerenjem nadležnog granskog saveza, na kojem je vidljivo da klub u svom članstvu ima članice ženskog spola.

3.3.7.9. Subvencije učešća za socijalno ugrožene kategorije

- (1) Sportski kolektivi koji u svom radu imaju podršku i subvencije socijalno-ugroženim kategorijama, predstavlja sportsku vrijednost tog kolektiva, a samim tim i vrijednost za društvenu zajednicu, te će se vrednovati sa dodatna dva boda po ovom osnovu.
- (2) Osnova za bodovanje po ovom osnovu je potpisana i ovjerena Izjava da će klub omogućiti i organizirati trenažni proces za članove iz socijalno ugroženih porodica, čiji članovi domaćinstva nemaju primanja, ukoliko iste budu imale interesovanje učešća u radu kluba.
- (3) Klubovi mogu dokazivati također i ovjerenim spiskom sa imenima i prezimenima članova koji imaju subvencije učešća, uz potpis članova ili roditelja istih ukoliko su u pitanju maloljetna lica.

3.3.7.10. Vrhunski sport

- (1) Vrhunski sport, u smislu zakona o sportu TK, je priprema i takmičenje sportista koji su po svojim rezultatima postali članovi državne selekcije Bosne i Hercegovine i koji su na sportskim takmičenjima postigli vrhunske sportske rezultate, ili koji su pojedinačno postigli vrhunske rezultate po međunarodnim normama u odgovarajućoj sportskoj disciplini.
- (2) Vrhunski sport u smislu ovog Pravilnika, je kategorija vrednovanja gdje se sportisti takmiče u tri najviše kategorije takmičenja, prema odredbama kategorizacije takmičenja ovog Pravilnika, u kategoriji seniora.
- (3) Ostala međunarodna takmičenja u smislu ovog pravilnika, vrednuju se u kategoriji kvalitetnog sporta.
- (4) Učešće u kategoriji vrhunskog sporta, vrednuje se na Olimpijskim igrama, te učešće u međunarodnim i evropskim ligama, za koje su se klubovi i sportisti morali izboriti kroz sistem kvalifikacija.
- (5) Iz svake uzrasne kategorije i iz svakog ranga takmičenja boduje se jedan, najjači rezultat. Bodovi unutar iste kategorije se ne mogu zbrajati.

3.3.7.11. Trenutni sportski domet u kategoriji vrhunskog sporta

- (1) Faktor „Trenutni sportski domet u kategoriji vrhunskog sporta“ predstavlja najbolji sportski rezultat koji je klub uspio ostvariti u prethodnoj takmičarskoj sezoni. „Trenutni sportski domet u kategoriji vrhunskog sporta“ se vrednuje u skladu sa tabelama 1 i 2. u ovom članu za prve tri kategorije takmičenja za uzrast seniora, u sportovima koje su priznate članice IOC-a, i članice GAISF-a. Bodovat će se plasmani od 1 do 3 mjesta u kategoriji Vrhunskog

sporta, ostvareni u ovim kategorijama, dok će plasmani od 4 mjesta i niže, biti bodovani u kategoriji Kvalitetnog sporta.

- (2) Rezultati različitih uzrasnih i vrijednosnih kategorija se ne mogu zbrajati. Vrednuje se samo najbolje ostvareni rezultat u prethodnoj takmičarskoj sezoni.
- (3) U sportovima koji se takmiče u sistemu takmičenja koji je podijeljen na rangove, na vrijednost trenutnog sportskog dometa iz tabele broj. 1., dodijelit će se dodatni bodovi za učešće u ovisnosti koliko rangova takmičenja ima iza tog kluba, i to 8 bodova po rangju za seniorske kategorije, i 4 boda po rangju za niže uzraste, te plasman za prvu/drugu polovinu tabele, ukoliko izostane plasman među prvih tri.
- (4) Vrednuje se 50% sumarne vrijednosti: Bodova za rezultate iz tabele broj 1., bodova ostvarenih na osnovu sistema takmičenja, bodova na osnovu razvijenosti sporta u svijetu, te za sportove čiji sistem takmičenja je podijeljen u rangove, dodaju se bodovi za učešće, i ovaj iznos predstavlja vrijednost faktora „Trenutni sportski domet u kategoriji vrhunskog sporta“.

3.3.7.12. Razvijenost sporta u svijetu

- (1) Na učešće i rezultat u vrhunskom sportu u kolektivnim sportovima, dodaju se bodovi u rasponu od 1 do 5, u ovisnosti koliko međunarodna granska federacija broji članica.

Do 100=1 bod,
Do 130=2 boda,
Do 160=3 boda,
Do 190=4 boda,
>190=5 bodova

- (2) Bodovi po ovom osnovu se dodaju samo onim klubovima koji se takmiče u kategoriji vrhunskog sporta.
- (3) Dokazuje se uvjerenjem nadležnog granskog saveza o broju članica međunarodne federacije, ili zvaničnim izvodom sa zvanične web stranice granske međunarodne federacije.

3.3.7.13. Kvalitetni sport

- (1) Kvalitetni sport, u smislu zakona o sportu TK, je priprema i takmičenje sportista po unaprijed utvrđenom sistemu i pravilima takmičenja koja se organizuju na području dva ili više kantona, na području Federacije BiH, ili na cijelom prostoru Bosne i Hercegovine.
- (2) Kvalitetni sport u smislu ovog Pravilnika, obuhvata aktivnosti u okviru kojih se postižu zapaženi sportski kvaliteti i rezultati na nacionalnom nivou, kao i rezultati koje ostvare sportisti na međunarodnim takmičenjima, a ti rezultati nisu kategorisani kao vrhunski, odnosno u smislu ovog Pravilnika, ne spadaju u tri najviše kategorije takmičenja u konkurenciji seniora.

3.3.7.14. Trenutni sportski domet u kategoriji kvalitetnog sporta

- (1) Faktor „Trenutni sportski domet u kategoriji kvalitetnog sporta“ predstavlja najbolji sportski rezultat koji je klub uspio ostvariti u prethodnoj takmičarskoj sezoni, mimo rezultata ostvarenih u kategoriji vrhunskog sporta. „Trenutni sportski domet u kategoriji kvalitetnog sporta“ se vrednuje u skladu sa tabelama 1. i 2. u ovom članu za sve ostale kategorije takmičenja i uzraste koji nisu vrednovani u kategoriji vrhunskog sporta.
- (2) Rezultati različitih uzrasnih i vrijednosnih kategorija se ne mogu zbrajati. Vrednuje se samo najbolje ostvareni rezultat u prethodnoj takmičarskoj sezoni.

- (3) U sportovima koji se takmiče u sistemu takmičenja koji je podijeljen na rangove, na vrijednost trenutnog sportskog dometa iz tabele broj. 1., dodijelit će se dodatni bodovi za učešće u ovisnosti koliko rangova takmičenja ima iza tog kluba, i to 8 bodova po rangu za seniorske kategorije, i 4 boda po rangu za niže uzraste, te plasman za prvu/dругu polovinu tabele, ukoliko izostane plasman među prvih tri. Rangovi će se bodovati sa 8 bodova samo ukoliko u rangu se takmiči minimum 6 klubova.
Bodovi za rangove koji se dodaju na ostvareni rezultat se samo dodaju u kategoriji sportskih igara. U ostalim sportovima klubovi ostvaruju bodove ili samo na osnovu ostvarenog rezultata, ili ako je isti izostao, klubovi se boduju po rangovima kako je definisano u ovom stavu.
- (4) Ukoliko se klub takmiči u sportu u kojem ima više od 5 rangova takmičenja (nogomet), za šesti rang bodovat će se rezultati iz kategorije 10, uz razliku bodova na osnovu učešća zbog manjeg ranga
- (5) Vrednuje se 50% sumarne vrijednosti: Bodova za rezultate iz tabele broj 1., bodova ostvarenih na osnovu sistema takmičenja, bodova na osnovu razvijenosti sporta u BiH, te za sportove čiji sistem takmičenja je podijeljen u rangove, dodaju se bodovi za učešće u skladu sa odredbama i stava 3. ovog člana, i ovaj iznos predstavlja vrijednost faktora „Trenutni sportski domet u kategoriji kvalitetnog sporta“.

3.3.7.15. Sistem takmičenja

- (1) Na najbolji rezultat sezone koji je vrednovan u kvalitetnom i vrhunskom sportu posebno, prije obračunavanja 50% vrijednosti, dodaju se bodovi na osnovu sistema takmičenja u kojem je rezultat ostvaren:
- | | |
|---------------------------------------------------------------------------------|----|
| Liga..... | 10 |
| bodova | |
| Turnirski sistem takmičenja/kup sistem sa repasažom/Robin round/bod sistem..... | 5 |
| bodova | |
| Turnirski sistem takmičenja/kup sistem bez repasaža/nokaut sistem..... | 1 |
| bod | |

- (2) Dokazuje se uvjerenjem nadležnog granskog saveza.

3.3.7.16. Razvijenost sporta u BiH

- (1) Na učešće u kvalitetnom sportu na takmičenjima i ligama u Bosni i Hercegovini, dodaju se bodovi u rasponu od 2 do 7, u ovisnosti koliko nacionalna granska federacija broji članica.
- (2) Dokazuje se uvjerenjem nadležnog granskog saveza o broju registrovanih klubova, ili zvaničnim izводом sa zvanične web stranice nadležnog granskog saveza.

0-30 = ne boduje se
 31-60 = 1 bod
 61-100 = 2 boda
 101-150 = 3 boda
 151-200 = 4 boda
 201-250 = 5 bodova
 251-300 = 6 bodova
 >300 = 7 bodova

3.3.7.17. Aktivan rad rukovodstva i upravnog odbora kluba

- (1) Boduje se broj uspješnih projekata sportskog kolektiva na osnovu kojih je sportski kolektiv dobio sredstva sa drugih nivoa vlasti, ili sponzora, mimo izdvajanja iz Budžeta Grada Lukavac.

- (2) Boduje se jedan bod po projektu.
- (3) Maksimalan broj bodova koji se može ostvariti po osnovu projekata je 4.
- (4) Dokazuje se Ugovorima o odobrenim projektima sa drugih nivoa vlasti, ili sponzora i donatora. Ukoliko se vrši vrednovanje donacija sponzora/donatora, vrednuje se iznos od minimalno 1000,00 KM, jednog ili više sponzora/donatora.
- (5) Ljekarski pregled sportista u prethodnoj takmičarskoj sezoni, boduje se sa 2 boda.
- (6) Polica osiguranja od nezgode za sportiste u prethodnoj takmičarskoj sezoni, boduje se sa dodatna 2 boda.
- (7) Maksimalan broj bodova koji se može ostvariti po osnovu aktivnosti rukovodstva i upravnog odbora kluba, je 8.

3.3.7.18. Učešće u organizovanom sistemu takmičenja

- (1) Sportski klubovi koji su u organizovanom sistemu takmičenja u okviru granskih krovnih nacionalnih federacija, koje su punopravno priznate članice IOC-a, bodovat će se sa dodatnih 10 bodova,
- (2) Sportski klubovi koji su u organizovanom sistemu takmičenja u okviru granskih krovnih nacionalnih federacija, koje nisu punopravno priznate članice IOC-a, ali su članice GAISF-a, bodovat će se sa dodatnih 5 bodova.
- (3) Klubovi koji se isključivo bave sportskom rekreacijom, sportskim odgojem i obrazovanjem, školskim sportom, te klubove koji se ne takmiče u okviru granskih krovnih nacionalnih federacija, neće ostvariti bodove po ovom osnovu, te će biti svrstani u kategoriju sportskog odgoja i obrazovanja.
- (4) Klubovi koji su u organizovanom sistemu takmičenja granskih krovnih nacionalnih saveza, klubovi će dokazivati uvjerenjem granskog krovnog saveza o članstvu u istom.

3.3.7.19. Vrednovanje sportskih klubova za osobe sa invaliditetom

- (1) Sportski kolektivi za osobe sa invaliditetom, članice Saveza za sport i rekreaciju osoba sa invaliditetom, vrednovat će se kao posebna kategorija, prema istim kriterijima za vrednovanje sportske vrijednosti klubova iz ovog Pravilnika. Faktori vrednovanja sportskih klubova za osobe sa invaliditetom su:
 1. Tradicija,
 2. Najveći sportski domet,
 3. Masovnost,
 4. Broj reprezentativaca kluba
 5. Broj trenera sa odgovarajućom stručnom spremom,
 6. Mogućnost sudjelovanja u klubu za osobe oba spola,
 7. Subvencije učešća za socijalno ugrožene kategorije,
 8. Trenutni sportski domet u vrhunskom sportu
 9. Trenutni sportski domet u kvalitetnom sportu
 10. Sistem takmičenja
 11. Aktivan rad rukovodstva i upravnog odbora kluba
 12. Učešće u organizovanom sistemu takmičenja/članstvo u granskom krovnom Savezu

3.3.7.20. Rangiranje klubova

- (1) Nakon izvršenog bodovanja svih sportskih klubova, utvrdit će se kategorizacija sportskih kolektiva na području grada Lukavac.
- (2) Sportski klubovi će se svrstati u sljedeće kategorije:
 - Klubovi u kategoriji vrhunskog i kvalitetnog sporta
 - Klubovi u kategoriji sporta za osobe sa invaliditetom
 - Klubovi u kategoriji sportskog odgoja i obrazovanja
 - Klubovi od javnog interesa za Grad Lukavac
- (3) U kategoriji vrhunskog i kvalitetnog sporta, posebno će se kategorizirati klubovi iz reda sportskih igara, a posebno klubovi iz ostalih sportova. Kategorije klubova će biti određene hijerarhijskim redoslijedom na osnovu ostvarenih bodova. Na osnovu ukupnog broja bodova svih klubova, odredit će se prosječna vrijednost, što će prvobitno podijeliti klubove na dva dijela, odnosno dvije kategorije. Prvi dio će činiti klubovi koji su iznad prosjeka, a drugi dio će obuhvatiti klubove koji su ispod prosjeka, nakon čega će, ukoliko se ukaže potreba zbog homogenosti, prvi dio po istom principu, izračunavanjem prosječne vrijednosti, biti podijeljen na dva dijela, na osnovu čega će se dobiti tri vrijednosne kategorije.
- (4) Bodovat će se samo sportski kolektivi koji imaju urednu dokumentaciju traženu Javnim pozivom. Klubovi koji nemaju urednu dokumentaciju, neće biti bodovani, te će biti svrstani u posljednju, kategoriju klubova. U posljednju kategoriju klubova, će također biti svrstani klubovi koji su članice sportskih saveza, a koji se ne prijave na Javni poziv za kategorizaciju klubova.
- (5) Broj kategorija zavisiće od homogenosti bodovnih vrijednosti, što će utvrditi Komisija. Ukoliko se klubovi podijele u tri vrijednosne kategorije, u prvoj kategoriji će biti klubovi sa najvećim brojem bodova, odnosno klubovi čija vrijednost bodova spada u iznadprosječnu vrijednost prvog dijela.
- (6) U drugoj kategoriji će biti klubovi čija vrijednost bodova spada u ispodprosječnu vrijednost prvog dijela.
- (7) U treću kategoriju će se svrstati klubovi čija vrijednost bodova spada u iznadprosječnu vrijednost drugog dijela.
- (8) Treću kategoriju činit će klubovi koji su ostvarili najmanji broj bodova, odnosno čija vrijednost bodova spada u ispodprosječnu vrijednost, klubovi koji nemaju urednu dokumentaciju, i klubovi/članovi sportskih saveza koji se nisu prijavili na Javni poziv za kategorizaciju klubova. Klubovi iz ove kategorije koji su bodovanjem svrstani u ovu kategoriju, imaju prednost u hijerarhijskom redoslijedu u odnosu na klubove koji su svrstani u ovu kategoriju radi neuredne dokumentacije, koji se nisu prijavili na Javni poziv.
- (9) Ukoliko zbog specifičnosti sportova, i mogućnosti da se jedan klub sa istim članstvom i istim stručnim kadrom, takmiči u različitim sportovima, (npr. nogomet i futsal), ili mogućnosti da dva registrovana kluba imaju isto članstvo i stručni kadar, u kategorizaciji klubova mogu ostvariti bodove samo za jedan klub po svim kriterijima, dok za drugi klub mogu ostvariti bodove samo za Sportski rezultat i učešće u organiziranom sistemu takmičenja.
- (10) Kategorizacijom klubova, bolje kategorisani klubovi stiču prednost vrednovanja pri apliciranju na sve Javne pozive i grantove iz Budžeta Grada Lukavac iz oblasti sporta, u odnosu na niže kategorisane i rangirane klubove.
- (11) Za sportske klubove osoba sa invaliditetom, članove Saveza za sport i rekreaciju osoba sa invaliditetom, izvršit će se bodovanje, ali ne i kategorizacija. Svi klubovi će biti svrstani u jednu kategoriju.
- (12) Za sportske klubove koji nisu u redovnom sistemu takmičenja, bit će svrstani u kategoriju sportskog odgoja i obrazovanja i za iste će se izvršiti bodovanje, ali ne i kategorizacija. Svi klubovi će biti svrstani u jednu kategoriju.
- (13) Klubovi koji su proglašeni od Javnog interesa za Grad Lukavac, bit će svrstani u posebnu kategoriju.

- (14) Klubovi najveće kategorije, pored klubova proglašanih od Javnog interesa za Grad Lukavac će biti klubovi od najvećeg značaja za Grad Lukavac.

3.4. Sredstva za finansiranje sportskih klubova od posebnog interesa

Član 12.

- (1) Klubovi koji ostvare pravo na finansiranje posebnim sredstvima Budžeta za ovu namjenu, su klubovi od posebnog interesa.
- (2) Pod sportskim klubovima od posebnog interesa, smatraju se klubovi iz reda kategoriziranih klubova sa budžetskom stavkom u Budžetu Grada Lukavac, i finansirat će se preko nadležne Službe.
- (3) Klub od posebnog interesa za Grad Lukavac je FK Radnički.
- (4) Klub za osobe sa invaliditetom od posebnog interesa za Grad Lukavac je SKISO Sinovi Bosne Lukavac.
- (5) Iznos sredstava za klubove za koje Grad Lukavac iskaže poseban interes, utvrdit će Gradsko vijeće, na prijedlog Gradonačelnika.
- (6) Grad Lukavac će preko resorne Službe, prema utvrđenoj proceduri, dostaviti sredstva na račune korisnika, nakon potpisivanja ugovora sa istim.
- (7) Sredstva će se od nadležne Službe potraživati sa ukupnom specifikacijom potreba kvartalno. Utrošak ovih sredstava podliježe redovnom izvještavanju nadležnoj Službi o utrošku dodijeljenih sredstava za ovu namjenu na način utvrđen od strane Službe. Korisnici sredstava su obavezni opravdati dobivena finansijska sredstva, prema odredbama člana 7. ovog Programa.

3.5. Sredstva za sportske, memorijalne i ostale manifestacije

Član 13.

- (1) Kandidovanje i organizovanje ovih manifestacija, vrše sportski savezi i registrovana udruženja u oblasti sporta na način kako je definisano važećim aktom nadležnog organa koji definiše ovu oblast.

3.6. Sredstva Javnog poziva OCD-a, u oblasti sporta i projekata u oblasti sporta

Član 14.

- (1) U cilju racionalnog i transparentnog upravljanja javnim prihodima (Budžetom) te djelotvornijeg korištenja raspoloživih resursa, određeni su prioriteti na poslove od javnog interesa Grada u oblasti sporta, na osnovu čega će se raspisati Javni poziv. Javni poziv će se objaviti po usvojenoj odluci o načinu odabira projekata organizacija civilnog društva po LOD metodologiji.
- (2) Visina sredstava zavisiće od raspoloživih sredstava u Budžetu Grada Lukavac za tekuću budžetsku godinu. Javne pozive će objaviti Služba u okviru jedinstvenog Javnog poziva. Obradu prispjelih aplikacija će vršiti Komisija koju će na osnovu usvojene LOD metodologije imenovati Gradonačelnik. Na objavljeni javni poziv mogu se kandidovati projekti iz slijedećih oblasti:
 - Razvoj nerazvijenih sportova
 - Sport i tjelesne aktivnosti u predškolskom uzrastu
 - Kompenzacija nedostatka tjelesnog odgoja u školama kroz vannastavne sportske aktivnosti
 - Organizacija sportsko-rekreativnih sportskih aktivnosti za osobe treće životne dobi

- Organizacija sportsko-rekreativnih sportskih aktivnosti za osobe sa invaliditetom
- Organizacija edukacije stručnih lica iz oblasti sporta
- Primjena dijagnostike u školskom i rekreativnom sportu
- Izdavačka stručna i naučna djelatnost iz oblasti sporta
- Edukacije roditelja predškolske i školske djece o vrijednostima sporta
- Besplatne škola sporta,
- organizacija sportskih manifestacija u okviru značajnih manifestacija,
- održavanja revijalnih sportskih takmičenja,
- organizacija tradicionalnih sportskih manifestacija,
- rekreacija za sve – programi rekreacije za određene uzraste,
- projekti za manifestacije koje imaju godišnji kontinuitet,
- projekte u oblasti sportske edukacije, sportske dijagnostike, trenažnih procesa, organizacije sportskih manifestacija i sl.,

(3)Korisnici sredstava mogu aplicirati na oglašen Javni poziv što je definisano LOD metodologijom. Grant za projekte može pokrivati jedino troškove koji nastaju u periodu nakon odobravanja projekta. Grant za projekte ne može iznositi manje od 49% niti više od 100% ukupne vrijednosti projekta određene propisanim Kriterijima. Troškovi projekta mogu sadržavati i finansiranje materijalnih troškova, nabavku opreme i sl., potrebnih za realizaciju projekta ali ne mogu prelaziti iznos od 30% cjelokupne visine dobijenih sredstava projekta.

(4)Grad Lukavac će preko resorne Službe, prema utvrđenoj proceduri, dostaviti sredstva na račune korisnika, nakon potpisivanja ugovora sa istim.

(5)Korisnici sredstava su obavezni opravdati dobijena finansijska sredstva u skladu sa finansijskim planom programa i projekta sa kojim su aplicirali na Javni poziv.

3.7. Sredstva za održavanje, iznajmljivanje, izgradnju i adaptaciju sportskih objekata

Član 15.

(1)Registrovane sportske organizacije, obrazovne ustanove, mjesne zajednice, nakon raspisivanja Javnog poziva, mogu aplicirati nadležnoj Službi za investicije za grantove za izgradnju i adaptaciju sportskih objekata, a sredstva će se rasporediti zavisno od raspoloživih sredstava u Budžetu.

(2)Sredstva za redovno održavanje sportskih objekata koji su u nadležnosti Grada, dodjeljivat će se Javnim ustanovama kojima su sportski objekti dati na raspolaganje.

(3)Grad Lukavac će termine u sportskim objektima koje su u nadležnosti Grada, kao javnom dobru koje je dostupno svim registrovanim sportskim organizacijama, dodjeljivati sportskim klubovima na osnovu pojedinačnog doprinosa razvoja sporta grada kroz razvojne sportske vrijednosti, odnosno na osnovu vrednovanja klubova u kategorizaciji, poštujući prirodu, sjedište i specifičnosti klubova koje svoje trenažne i takmičarske aktivnosti isključivo realiziraju u dvorani.

3.7. Sredstva Javnog poziva za sportske stipendije

Član 16.

(1) Sredstva iz Budžeta Grada Lukavac, koja su namijenjena za sportske stipendije, krajnjim korisnicima će se dodjeljivati nakon raspisanog Javnog poziva za kategorizaciju sportskih klubova za sportiste iz klubova prve i druge kategorije, a iznos stipendija će biti isti kao iznos stipendija koje dodjeljuje Grad putem Javnog poziva za učenike i studente. Broj stipendija

za sportiste iz kategoriziranih klubova, bit će utvrđen Odlukom Gradonačelnika nakon kategorizacije sportskih klubova, poštujući hijerarhiju kategorija.

- (2) Sportski klubovi prve i druge kategorije, prema kategorizaciji vrednovanja klubova, također imaju pravo od redovnih sredstava ostvarenih po osnovu kategorizacije klubova, dodijeliti stipendije svojim istaknutim članovima, učenicima i studentima, na osnovu ostvarenih sportskih rezultata, u iznosu stipendija koje dodjeljuje Grad putem Javnog poziva za učenike i studente, uz saglasnost nadležne Službe, u skladu sa zakonom.
- (3) Klubovi su također obavezni poštovati sve prethodne odredbe ovog Programa, Strategije za razvoj sporta općine Lukavac 2022-2027, koji se odnose na prava za dodjelu stipendija studentima i učenicima, uspješnim sportistima, obavezni su potpisati ugovore sa istima ukoliko su punoljetni, ili sa roditeljima/starateljima, ukoliko su maloljetni, te su dužni Službi/Sportskim savezima dostaviti potrebnu dokumentaciju i spisak stipendista.
- (4) Stipendije se dodjeljuju za jednu budžetsku godinu i isplaćivat će se za 9 (devet) mjeseci trajanja školske/akademske godine.
- (5) Pravo na dodjelu stipendije preko sportskih klubova ima student/učenik, državljanin BiH, koji ima status redovnog studenta/učenika, pod sljedećim uslovima:
 1. da ne prima stipendiju po drugom osnovu iz Budžeta Grada Lukavac
 2. da je član sportskog kluba sa područja grada Lukavac,
 3. da se aktivno bavi sportom,
 4. da ima istaknute sportske rezultate u tekućoj ili prethodnoj takmičarskoj sezoni
- (6) Ukoliko sportski kolektiv od dobivenih finansijskih sredstava po osnovu kategorizacije klubova ne može pokriti primarne troškove definisane u članu 7. ovog Programa, nije obavezan isplatiti sportsku stipendiju.

3.8. Sredstva Javnog poziva za sportske članarine

Član 17.

- (1) Sredstva iz Budžeta Grada Lukavac, koja su namijenjena za sportske članarine, krajnjim korisnicima Grad Lukavac može dodjeljivati nakon raspisanog Javnog poziva.
- (2) Grad može finansirati/sufinansirati članarine u sportskim klubovima na način da će isplatiti sredstva u iznosu preostalih mjesečnih članarina do kraja tekuće godine od dana raspisivanja javnog poziva, na transakcijski račun kluba u kojem korisnik trenira.
- (3) Maksimalan iznos članarine koji će Grad sufinansirati na nivou jednog mjeseca iznosi 30,00 KM.
- (4) Ukoliko je iznos mjesečne članarine manji od iznosa navedenog u stavu (3) ove tačke, Grad će finansirati iznos stvarne članarine.

3.9. Sredstva za kupovinu sportske opreme

Član 18.

- (1) Sredstva iz Budžeta Grada Lukavac, koja su namijenjena za kupovinu sportske opreme, krajnjim korisnicima Grad Lukavac može dodjeljivati na osnovu raspisanog Javnog poziva kategorizacije sportskih klubova za tekuću godinu.
- (2) Visina sredstava po kategorijama, bit će utvrđena Odlukom Gradonačelnika za tekuću godinu, nakon kategorizacije sportskih klubovi, poštujući hijerarhiju kategorija.

4. KOMISIJA ZA SPORT

4.1. Formiranje komisija

Član 19.

- (1) Sve aktivnosti vezano za ocjenu, bodovanje, rangiranje i sl. u oblasti raspisanog Javnog poziva za kategorizaciju i vrednovanje sportskih klubova i raspodjelu sredstava za razvoj sporta, vršit će Komisija koju imenuje Gradonačelnik na prijedlog Službe za društvene djelatnosti i upravu, u daljem tekstu Komisija.

- (2) Komisija za kategorizaciju ima pravo da ne boduje pojedine kriterije ukoliko utvrdi neregularnosti kod prijave i dokazivanja za pojedine klubove u Janvom pozivu za kategorizaciju.
- (3) Imajući u vidu individualne međusobne razlike različitih sportova, Komisija prema stručnoj procjeni, u svrhu meritokratskog vrednovanja, ima pravo da tumači određene odredbe kriterija ovog programa koji se odnose na kategorizaciju, ukoliko isti nisu jasno definisani.
- (4) Sve aktivnosti vezano za ocjenu, bodovanje, rangiranje i sl. u oblasti ostalih Javnih poziva u oblasti sporta, vršit će Komisija iz prethodnog stava za određeni Javni poziv.
- (5) Komisija vrši slijedeće aktivnosti:
 - Bodovanje po prispjeloj dokumentaciji za vrednovanje sportskih kolektiva za razvoj sporta grada Lukavac, u skladu sa odredbama ovog Programa
 - Bodovanje po prispjeloj dokumentaciji za vrednovanje projekata sportskih udruženja, u skladu sa LOD metodologijom,
 - Bodovanje po prispjeloj dokumentaciji za vrednovanje prijave sportista za sportske stipendije i sportske članarine, u skladu sa važećim Pravilnicima,
 - Priprema rang listu po obrađenoj dokumentaciji i prosljeđuje Službi na daljnju proceduru,
 - Vršiti i druge poslove po nalogu Službe
- (6) Komisija ima pravo da ne boduje pojedine kriterije ukoliko utvrdi neregularnosti kod prijave i dokazivanja za pojedine klubove u Javnom pozivu za kategorizaciju.
- (7) Imajući u vidu individualne međusobne razlike različitih sportova, Komisija prema stručnoj procjeni, u svrhu meritokratskog vrednovanja, ima pravo da tumači određene odredbe ovog pravilnika ukoliko isti nisu jasno definisani.

5. PRIJELAZNE I ZAVRŠNE ODREDBE

5.1. Isplata sredstava

Član 20.

- (1) Grad Lukavac će budžetska sredstva, iz budžetskih pozicija iz člana 2. stav 2 Ovog Programa, preko resorne Službe, prema utvrđenoj proceduri, dostaviti na račune sportskih subjekata, nakon potpisivanja ugovora sa istim.
- (2) Skupštine sportskih saveza će na svojoj sjednici početkom godine, usvojiti godišnji plan raspodjele sredstava koja su im dodijeljena konačnim usvajanjem Budžeta i u skladu sa kategorizacijom sportskih klubova. Sportski savezi i drugi korisnici sredstava će, na osnovu usvojenog godišnjeg plana aktivnosti, u toku mjeseca zahtjevom i planom potraživati planirana sredstva od nadležne službe za naredni kvartal. Nakon razmatranja zahtjeva nadležna Služba, na osnovu mogućnosti Budžeta, daje prijedlog odluke Gradonačelniku. Ukupna sredstva po odluci Gradonačelnika će se prebaciti Sportskim savezima, ili direktno korisnicima sa naznakom procedure izvještavanja o utrošku sredstava. U slučaju da za aktivnosti u tekućem mjesecu nema dovoljno sredstava, u saglasnosti sa Savezima će se odrediti prioriteta finansiranja. Na isti način će i klubovi koji imaju posebne pozicije finansiranja u Budžetu, nakon usvajanja Budžeta nadležnoj Službi dostaviti godišnji plan raspodjele sredstava uz utvrđen način izvještavanja. Međusobna prava i obaveze (davalac sredstava) i korisnika sportske djelatnosti na nivou Grada Lukavac, (korisnik sredstava) uređuju se posebnim ugovorom, koji će definisati međusobne odnose. Sva potraživanja će biti na obrascima koje odredi nadležna Služba.

5.2. Podnošenje izvještaja

Član 21.

- (1) Korisnici sredstava, (Sportski savezi ili pojedina udruženja u oblasti sporta), osim podnošenja godišnjeg plana, dužni su dostavljati mjesečne, periodične i godišnje izvještaje o utrošku sredstava sportskim savezima ili nadležnoj Službi, uz priložene kopije računa,

izvoda, naloga, virmana, ugovora, itd., uz pregled udjela vlastitih sredstava i sredstava sa drugih nivoa vlasti u skladu sa važećim zakonskim propisima o finansijskom izvještavanju i odredbama ovog Programa. Korisnici sredstava koji to ne učine u odgovarajućem roku, a iz neopravdanih razloga, gube pravo na potraživanje bilo kakvih sredstava u narednoj godini i dužni su izvršiti povrat sredstava.

- (2) Služba, koja je davalac sredstava, će pratiti realizaciju programa, vršiti monitoring i evaluaciju sportskih subjekata koji se finansiraju preko Službe. Osim ovog oblika izvještavanja, Služba može tražiti dodatne izvještaje za utrošak pojedinih odobrenih sredstava od strane korisnika (u vidu bilansa stanja i bilansa uspjeha, originale računa i sl.) i vršiti monitoring.
- (3) Sportski savezi su odgovorni za praćenje i realizaciju programa, monitoring, evaluaciju i finansijsko izvještavanje nad sportskim kolektivima kojima su dodijeljena finansijska sredstva preko sportskih saveza. Sportski savezi mogu tražiti dodatne izvještaje za utrošak pojedinih odobrenih sredstava od strane korisnika (u vidu bilansa stanja i bilansa uspjeha, originale računa i sl.) i vršiti monitoring. Sportski savezi će dostaviti izvještaj službi sa navedenim podacima o finansijskom pravdanju finansijskih sredstava klubova prema savezima, i implementaciji sportskih programa istih.

Član 22.

- (1) Ovaj Program stupa na snagu danom usvajanja, a bit će objavljen u „Službenom glasniku Grada Lukavac“.

PREDSJEDAVAJUĆI
GRADSKOG VIJEĆA

Suad Salibašić, dipl.ecc s.r.



Broj: 02-02-183/23.
Lukavac, 17.01.2023. godine

Na osnovu člana 35. i 36. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, broj 10/08 i 8/15), člana 8., 10. i 11. Pravilnika o organiziranju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH“, broj: 77/06.) i odredaba Uredbe o organizaciji službi zaštite i spašavanja Federacije Bosne i Hercegovine („Službene novine FBiH“, broj 58/06., 40/10., 14/12., 66/12., 11/17. i 18/20.), Gradonačelnik Grada Lukavac na prijedlog Službe civilne zaštite i zajedničkih poslova, d o n o s i

ODLUKU

o organizovanju Gorske službe spašavanja na području grada Lukavac

I – OSNOVNE ODREDBE

Član 1.

(Predmet Odluke)

Ovom Odlukom određuje se Gorska služba spašavanja, organizacija i opremanje na način da ista bude savremena i posebno organizirana snaga civilne zaštite, koja raspolaže savremenom opremom, koja omogućava da može odgovoriti zahtjevima zaštite i spašavanja ljudi i materijalnih dobara kada budu ugroženi prirodnom ili drugom nesrećom.

Član 2.

(Angažiranje Gorske službe spašavanja)

(1) Angažiranje Gorske službe spašavanja na vršenju operativnih mjera zaštite i spašavanja njene nadležnosti, vrše pomoćnik gradonačelnika Službe civilne zaštite i zajedničkih poslova i Gradski štab civilne zaštite na način utvrđen Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj 39/03., 22/06. i 43/10.) u slijedećim situacijama:

- a) kada se primijete opasnosti ili pojave koje mogu dovesti do nastanka prirodne ili druge nesreće, a koje zahtijevaju provođenje mjera i aktivnosti na sprečavanju nastanka te prirodne ili druge nesreće ili ublažavanja njenog djelovanja;
- b) od momenta kada Gradski štab civilne zaštite proglasi stanje prirodne ili druge nesreće, što zahtijeva provođenje akcija zaštite i spašavanja ugroženih ljudi i materijalnih dobara, do otklanjanja posljedica koje su nastale djelovanjem te prirodne ili druge nesreće, odnosno do dana kada Gradski štab civilne zaštite naredi prestanak njihovog rada ili do dana kada se donese Odluka o prestanku stanja prirodne ili druge nesreće.
- c) za vrijeme vježbi civilne zaštite i drugih oblika obuke u civilnoj zaštiti i za vrijeme eventualnog ratnog stanja.

(2) Operativne mjere zaštite i spašavanja ljudi i materijalnih dobara provode se u fazi spašavanja i fazi otklanjanja posljedica nastalih djelovanjem prirodne ili druge nesreće.

Član 3.

(Uslovi za formiranje službe zaštite i spašavanja)

(1) U cilju stvaranja uslova da se u svim slučajevima nastanka prirodne ili druge nesreće na bilo kom dijelu područja Grada Lukavac može obezbijediti zaštita i spašavanje ljudi i materijalnih dobara, formira se Gorska služba spašavanja na području Grada Lukavac.

(2) Polazna osnova za odlučivanje o formiranju Gorske službe spašavanja je Procjena ugroženosti od prirodnih i drugih nesreća na području Grada Lukavac (u daljem tekstu: Procjena

ugroženosti grada), u kojoj je utvrđena potreba i određena potreba formiranja službi za provođenje preventivnih i operativnih mjera zaštite ljudi i materijalnih dobara.

(3) Gorska služba spašavanja formira se u udruženju građana, koje ispunjava slijedeće uslove:

- a) da je njegova djelatnost, ili dio djelatnosti, od značaja za zaštitu i spašavanje ljudi i materijalnih dobara od prirodnih i drugih nesreća,
- b) da ima stručne kadrove i odgovarajuću opremu, tehnička i druga sredstva, koja omogućavaju vršenje poslova iz nadležnosti službe zaštite i spašavanja,
- c) da ima mogućnosti pružiti ispomoć službama zaštite koje formira grad, kada se naredi njeno angažovanje na tim zadacima.

(4) Formiranje Gorske službe spašavanja ne mijenja se unutrašnja organizacija i način rada udruženja građana, koje je utvrđeno za obavljanje njene redovne djelatnosti.

Član 4.

(Područje djelovanja službe zaštite i spašavanja)

Gorska služba spašavanja, predviđena ovom Odlukom, namijenjena je da djeluje na području Grada Lukavac, u svim slučajevima kada na području Grada Lukavac, na čijem području je nastala prirodna i druga nesreća, na zaštitu i spašavanju ljudi i materijalnih dobara, a u skladu sa odlukama i naredbama pomoćnika gradonačelnika civilne zaštite i zajedničkih poslova i Gradskog štaba civilne zaštite.

II – UDRUŽENJE GRAĐANA U KOJEM SE ORGANIZUJE GORSKA SLUŽBA SPAŠAVANJA

Član 5.

(Određivanje subjekta u kojim se organizuje služba zaštite i spašavanja)

Prije određivanja udruženja građana u kojem će se formirati Gorska služba spašavanja, Služba civilne zaštite i zajedničkih poslova je dužna utvrditi koje udruženje građana ima uslove za organiziranje službe, u skladu sa članom 3. stav (3) Odluke, kao i potrebe za tom službom utvrđene u procjeni ugroženosti iz člana 3. stav (2) Odluke.

Član 6.

(Gorska služba spašavanja na području Grada Lukavac)

Saglasno odredbama člana 8. Pravilnika o organiziranju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH“, broj: 77/06.), na području Grada Lukavac osniva se:

1. GORSKA SLUŽBA SPAŠAVANJA

Ova služba formira se u UDRUŽENJU GRAĐANA „GORSKA SLUŽBA SPAŠAVANJA SODA“ Lukavac

Gorska služba za spašavanje sa visina vrši operativne mjere zaštite i spašavanja u planinama, na stijenama, speleološkim objektima i drugim nepristupačnim mjestima, pri nepovoljnim vremenskim uvjetima (snijeg, hladnoća, led, magla i slično), kada pri spašavanju treba primijeniti posebno stručno znanje i upotrijebiti odgovarajuću opremu za spašavanje na pogođenom području, i to:

a) u fazi spašavanja: otklanjanje neposredne opasnosti u planinama i drugim nepristupačnim područjima, koja mogu ugroziti ljude na određenom području; vršenje potrage za izgubljenim ljudima u planinama i drugim nepristupačnim područjima; spašavanje ljudi iz podzemnih objekata, litica i kanjona; spašavanje ljudi u urbanim sredinama (visokim objektima, tunelima, cijevima, u prometnim nesrećama), te kod

ekstremnih športova; spašavanje ljudi na uređenim i neuređenim skijalištima, penjalištima i drugim objektima i prostorima u prirodi, za vrijeme specifičnih športskih, turističkih, rekreativnih, kulturoloških i drugih aktivnosti u prirodi i planinskom području, te speleološkim objektima; pretraga i spašavanje ljudi iz lavina i smetova, te provođenje preventivnih mjera u svezi s opasnostima od snježnih lavina i smetova; učešće u sustavu traganja i spašavanja za nestalim zrakoplovima i drugim prometnim sredstvima u planinama, strmim dijelovima obale rijeka i jezera i drugim nepristupačnim područjima; organizira transport povrijeđenih i oboljelih ljudi sa planina i drugih nepristupačnih područja, te podnošenje zahtjeva nadležnim službama za helikopterski transport, posredstvom nadležnog operativnog centra, osim kada organizator aktivnosti osigurava prisustvo pripadnika gorske službe spašavanja i helikopter; vrši spašavanje ljudi na visinama i visokim objektima u slučaju zemljotresa, vremenskih nepogoda i drugih nesreća na nepristupačnim prostorima; vrši spašavanje ljudi u nesrećama u slučaju loših vremenskih uvjeta, uz primjenu posebnih stručnih znanja i tehničke opreme za spašavanje.

b) u fazi otklanjanja posljedica: poduzima aktivnosti i postupke kojima se umanjuje nepovoljan učinak nesreće prilikom spašavanja ugroženih ljudskih života; ostvaruje suradnju i koordinaciju s organima civilne zaštite i drugim pravnim i fizičkim osobama u poduzimanju postupaka za spašavanje ljudskih života i imovine u složenom pristupu unesrećenom i pružanje prve pomoći na nepristupačnim područjima, uz primjenu odgovarajuće tehnike i opreme.

III – ZADACI NA FORMIRANJU, OPREMANJU, POPUNI I ANGAŽOVANJU SLUŽBE ZAŠTITE I SPAŠAVANJA

Član 7.

(Nadležnost subjekta u kojem se formira služba zaštite i spašavanja)

Rukovodilac UG „GORSKA SLUŽBA SPAŠAVANJA SODA LUKAVAC“ u kojoj se formira Gorska služba spašavanja, u saradnji sa Službom civilne zaštite i zajedničkih poslova ima obavezu da:

- a) svojim aktom formira službu, odredi rukovodioca službe i broj pripadnika službe;
- b) izvrši popunu službe kadrovima koji su obučeni i osposobljeni za vršenje poslova iz nadležnosti službe;
- c) utvrdi potrebe u opremi, tehničkim i drugim sredstvima rada, koja su neophodna za rad službe zaštite i da preduzima mjere za obezbjeđenje te opreme i sredstava;
- d) organizuje i provodi obučavanje pripadnika službe za uspješno vršenje poslova zaštite i spašavanja iz nadležnosti službe;
- e) u roku od tri mjeseca od potpisivanja ugovora iz člana 11. Odluke izradi vlastite procedure rada za procese djelovanja u slučajevima angažovanja na zadacima zaštite i spašavanja iz nadležnosti službe.

Član 8.

(Djelovanje službe zaštite i spašavanja u provođenju mjera zaštite i spašavanja)

Gorska služba spašavanja, poslove iz svoje nadležnosti vrši u fazi nastanka prirodne ili druge nesreće i u fazi otklanjanja i saniranja nastalih posljedica, a zadatke u funkciji preventivne zaštite ostvaruju u okviru obavljanja redovne djelatnosti u udruženju u kojem je formirana.

Član 9.

(Finansiranje rada službe zaštite)

(1) U cilju stvaranja uslova da Gorska služba spašavanja, može vršiti poslove zaštite i spašavanja iz svoje nadležnosti, Služba civilne zaštite i zajedničkih poslova je dužna planirati odgovarajuća sredstva u Budžetu Grada Lukavac, kao i dio sredstava iz posebne naknade za zaštitu i spašavanje, koje će se koristiti za nabavku opreme i tehničkih sredstava neophodnih za rad službe, te za obučavanje i osposobljavanje njihovih članova.

(2) Finansijska sredstva, iz stava (1). ovog člana, obezbjeđuju se samo za finansiranje onog dijela aktivnosti službe zaštite i spašavanja, koje će one vršiti kao dio dodatne djelatnosti u funkciji zaštite i spašavanja ljudi i materijalnih dobara od prirodnih i drugih nesreća, odnosno koje su ovom Odlukom i ugovorom iz člana 11. Odluke stavljeni u nadležnost ove službe.

(3) Raspodjelu sredstava, iz stava (1). ovog člana, na službu zaštite i spašavanja, sa podacima o vrsti i količini sredstava koja treba nabaviti utvrđuje Gradski štab civilne zaštite, na prijedlog Službe civilne zaštite i zajedničkih poslova, a u okviru zadataka iz stava (2). ovog člana i u skladu sa Programom razvoja, godišnjim finansijskim planom i godišnjim programom rada tih službi.

Član 10.

(Korištenje opreme i tehničkih sredstava)

Udruženje građana „GORSKA SLUŽBA SPAŠAVANJA SODA LUKAVAC“ u kojoj se formira Gorska služba spašavanja, opremu i tehnička sredstva, nabavljene iz sredstava člana 11. Odluke, može koristiti za obavljanje svoje redovne djelatnosti, s tim da je dužna obezbjediti efikasno funkcionisanje službe zaštite i spašavanja kada se naredi njeno angažovanje, što se bliže uređuje ugovorom iz člana 11. Odluke.

Član 11.

(Regulisanje prava i obaveza)

(1) Služba civilne zaštite i zajedničkih poslova i UG „GORSKA SLUŽBA SPAŠAVANJA SODA LUKAVAC“ će zaključiti Ugovor o međusobnim pravima i obavezama i utvrditi konkretne zadatke službi u pitanjima zaštite i spašavanja ljudi i materijalnih dobara od prirodnih i drugih nesreća, kao i način djelovanja službe kada pomoćnik gradonačelnika civilne zaštite i zajedničkih poslova i Gradski štab civilne zaštite donesu odluku ili naredbu o njenom angažovanju na zadacima zaštite i spašavanja ljudi i materijalnih dobara na području Grada Lukavac.

(2) Zaključivanje ugovora, iz stava (1). ovog člana, vrši se onda kada Služba civilne zaštite i zajedničkih poslova uvrđi da je udruženje građana ispunilo uslove iz člana 7. Odluke.

Član 12.

(Način upotrebe službe zaštite i spašavanja)

(1) Upotrebu Gorske službe spašavanja, na zadacima zaštite i spašavanja, u uslovima iz člana 10. Odluke, u vrijeme i na mjestu za njihovo djelovanje na području Grada Lukavac, naređuju pomoćnik gradonačelnika civilne zaštite i zajedničkih poslova i Gradski štab civilne zaštite, u skladu sa Federalnim zakonom.

(2) Kada pomoćnik gradonačelnika civilne zaštite i zajedničkih poslova i Gradski štab civilne zaštite narede angažovanje Gorske službe spašavanja, rukovodilac udruženja građana, u kojoj je formirana služba zaštite i spašavanja, dužan je preduzeti sve potrebne mjere kojima će obezbjediti da služba pravovremeno dođe na mjesto određeno odlukom ili naredbom i da može vršiti zadatke iz svoje nadležnosti.

(3) Gorska služba spašavanja, angažuju se onda kada Gradski štab civilne zaštite proglasi nastanak prirodne ili druge nesreće na području Grada Lukavac, a izuzetno, angažovanje ove službe može se izvršiti i prije proglašenja prirodne ili druge nesreće, a cijeni se da nije potrebno vršiti aktiviranje Gradskog štaba civilne zaštite, u slučaju kada prijete neposredna opasnost od nastanka prirodne i druge nesreće, u cilju preduzimanja odgovarajućih mjera na sprečavanju nastanka te opasnosti ili nesreće ili ublažavanja njihovog djelovanja.

Član 13.

(Aktivnosti Službe civilne zaštite i zajedničkih poslova na osposobljavanju Službe zaštite i spašavanja)

Služba civilne zaštite i zajedničkih poslova će preduzimati odgovarajuće aktivnosti na formiranju Gorske službe spašavanja, njihovoj popuni ljudstvom i materijalno-tehničkim sredstvima, obučavanju i stručnom osposobljavanju i u tim pitanjima pružati odgovarajuću stručnu i drugu pomoć i starati se da služba budu osposobljene za vršenje zadataka za koje je formirana, a udruženje građana je dužno postupiti po zahtjevima Službe civilne zaštite i zajedničkih poslova.

IV – PRELAZNE I ZAVRŠNE ODREDBE

Član 14.

(Primjena)

Gorska služba spašavanja formirat će se u roku od tri (3) mjeseci od dana stupanja na snagu ove Odluke.

Član 15.

(Stupanje na snagu)

Ova Odluka stupa na snagu danom objavljivanja u „Službenom glasniku općine Lukavac“.

GRADONAČELNIK
Dr.Sci. Edin Delić s.r.

**SLUŽBENI GLASNIK GRADA
L U K A V A C**

Broj:3/23

Izdaje :.....Grad Lukavac

Uređuje.....Stručna Služba Gradskog vijeća

Adresa.....Grad Lukavac - Gradsko vijeće

Telefon035/553-253

Fax.....035-366-731

Službeni glasnik izdaje se po potrebi